

摛藻堂四庫全書薈要

集部

欽定四庫全書叢要

集部

李太白集分類補註卷十九

二十

詳校官助教臣常循



欽定四庫全書叢要卷一萬三千六百六十

集部

李太白集分類補註卷十九

宋楊齊賢集註

元蕭士贊補註

訓答

訓談少府

襄漢

一尉居倏忽梅生有仙骨三事或可羞匈奴哂千秋壯  
心屈黃綬浪跡寄滄洲昨觀荆峴作如從雲漢遊老夫

當暮矣蹀足懼驛駘  
齊賢曰漢書東南一尉西北一侯  
梅福補南昌尉得仙事見前毛詩  
三事大夫注謂三公漢田千秋為高寢郎衛太子為江  
充所譖敗久之千秋訟太子冤上大感悟立拜為大鴻  
臚數月代劉屈氂為丞相後漢使至匈奴單于問曰聞  
漢新拜丞相何用得之使者曰以上書言事故單于曰  
苟如是漢置丞相非用賢也

訓宇文少府見贈桃竹書筒

桃竹書筒綺繡文良工巧妙稱絕羣靈心圓映三江月  
彩質疊成五色雲中藏寶訣峨眉去千里提携長憶君

五月東魯行答汶上君

魯中

五月梅始子

一作

黃蠶凋桑柘空魯人重織作機杼鳴簾

櫂顧余不及仕學劍來山東舉鞭訪前途獲笑汶上翁

下愚忽壯士未足論窮通齊賢曰漢志泰山郡汶水出萊蕪西入濟我以一

箭書能取聊城功終然不受賞羞與時人同西歸去直

道落日昏陰虹此一作我去爾勿言甘心如轉蓬

齊賢曰史記齊

田單攻聊城歲餘不下魯仲連乃為書約之矢以射城中遺燕將燕將見書泣三日乃自殺聊城亂田單遂屠聊城

歸而言仲連欲爵之魯仲連逃隱於海上曰吾與富貴而訕於人寧貧賤而輕世肆志焉自意指林甫國忠輩

昏蔽

其君

早秋單父南樓酬竇公衡

白露見日減紅顏隨霜凋別君若俯仰春芳辭秋條泰山嵯峨夏雲在疑是白波漲東海散爲飛雨川上來遙帷却卷清浮埃知君獨坐青軒下此時結念同所懷我閑南樓看道書幽簾清寂在仙居曾無好事來相訪賴爾高文一起予

山中問答

問余何意一作事 栖碧山笑而不答心自閒桃花流水杳

然去別有天地非人間

齊賢曰蜀志人問諸葛亮之志亮抱膝笑而不答

答友人贈烏紗帽

領得烏紗帽全勝白接離山人不照鏡稚子道相宜

士誠質

曰稚子接離見前

酬張司馬贈墨

吳中

上黨碧松煙夷陵丹砂末蘭麝凝珍墨精光乃堪掇黃頭奴子雙鴉鬟錦囊養之懷袖間今日贈余蘭亭去興

來灑筆會稽山

齊賢曰唐潞州上黨郡上貢墨峽州夷陵郡掇拾也錦囊事見前越州會稽郡

山陰縣有蘭渚諸有  
亭王羲之祓禊處

答湖州迦葉司馬問白是何人

青蓮居士謫仙人酒肆藏名三十春湖州司馬何須問

金粟如來是後身

齊賢曰青蓮居士太白自號也

答長安崔少府叔封遊終南翠微寺太宗皇帝

金沙泉見寄

長安

河伯見海若傲然誇秋水小物昧遠圖寧知通方士多

君紫霄意獨往蒼山裏地古寒雲深巖高長風起

齊賢曰莊

子秋水時至百川灌河涇流之大而渙渚崖之間不辨牛馬於是河伯欣然自喜以天下之美爲盡在己順流而東行至於北海東面而視不見水端於是河伯始旋其面目望洋向若而嘆曰野語有之曰聞道百以為莫已若者我之謂也吾長見笑於大方之家北海若曰井蛙不可以語於海者拘於虛也夏虫不可以語於冰者篤於時也曲士不可以語於道者束於教也今爾出於崖涘觀於大海乃知爾醜初登翠微嶺

復憩金沙泉踐苔朝霜滑弄波夕月圓飲彼石下流結蘿宿溪煙鼎湖夢渌水龍駕空一作茫然早行子午關

一作間却登山路遠一作却嘆山路遠拂琴聽霜猿減一作峯去登山路遠又作頗識關路遠拂琴聽霜猿減

燭乃星飯人煙無明異鳥道絕往返齊賢曰貞觀十二年終南大和宮改

爲翠微宮金沙泉近寺之泉也鼎湖夢指太宗也事見三卷漢書王莽開子午道因置子午闕士贊曰長安志翠微宮在萬年縣終南山上攀厓倒青天下視白日晚旣過遇一作石

門隱還唱一作

石潭歌涉雪搴紫芳一作採濯纓想作

紫莖

一作

掬清波此人不可見此地君自過為余謝風泉其如幽

意何

齊賢曰石門在魯王逸注楚詞  
塞採取也士贊曰紫芳紫蘭也

贈李十二

左司郎中崔宗之

涼秋八九月白露空園亭耿耿意不暢稍稍一作

悄悄風葉

聲思見雄俊士共話今古情李侯忽來儀把袂苦不早

清論既抵掌玄談又絕倒分明楚漢事歷歷王霸道

齊賢曰稍所交切士贊曰記月令立秋日涼風至又五日白露降爾雅稍稍擢也郭璞曰謂木無枝柯稍擢長而擔囊無俗物訪古千里餘袖有匕首劒懷中殺也

茂陵書雙眸光煥人詞賦凌子虛酌酒絃素琴霜氣正凝潔平生心中事今日為君說我家有別業寄在嵩之陽明月出高岑清溪澄素光雲散廄戶靜風吹松桂香子若同斯遊千載不相忘

齊賢曰有底曰寰無底曰索司馬相

如既病免家居茂陵天子曰相如病甚可往從悉取其書使所忠往而相如已死妻曰長卿未嘗有書時時著

書人又取去長卿未死時為一卷書曰有使來求書奏之其遺札書言封禪事初上讀子虛賦而善之曰朕獨不與此人同時哉楊得意曰臣邑人司馬相如自言為此賦上驚乃召問相如相如曰有之唐河南府登封縣本嵩陽

酬崔五郎中

朔雲橫高天萬里起秋色壯士心飛揚落日空嘆息長  
嘯出原野凜然寒風生幸遭聖明時功業猶未成柰何  
懷良圖鬱悒獨愁坐杖策尋英豪立談乃知我齊賢曰  
鄧禹聞

光武安集河北即杖策北渡士贊曰鬱悒憂也崔公生民秀絰邈青雲姿制作參造化託諷含神祇海嶽尚可傾吐諾終不移是時霜

颯寒逸興臨華池起舞拂長劍四座皆揚眉因得窮歡  
情贈我以新詩又結汗漫期九垓遠相待舉身憩蓬壺  
濯足弄滄海從此凌倒景一去無時還朝遊明光宮暮  
入闔闕關但得長把袂何必嵩丘山齊賢曰蓬壺蓬萊  
明光宮師古曰三輔黃圖云在城中淮南子注  
云闔闕始升天之門上帝所居紫微宮門也

以詩代書答元丹丘

青鳥一作烏海上來今朝發何處口銜雲錦字一作書與我  
忽飛去鳥去凌紫煙書留綺魄前開緘方時一作一笑乃

是故人傳故人深相勗憶我勞心曲離居在咸陽三見

秦草綠置書雙袂間引領不暫閒長望一作歎杳難見浮

雲橫遠山

齊賢曰後漢書梁冀弟舍牕牖皆有綺疏

金門答蘇秀才

君還石門日朱火始改木春草如有情山中尚含綠折

芳愧遙憶永路當自勗遠見故人心平生以此足

齊賢語

鑄燧改火巨海納百川麟閣多才賢獻書入金闕酌醴奉瓊

筵屢忝白雲唱恭聞黃竹篇恩光照拙薄雲漢希騰遷

銘鼎儻云遂扁舟方渺然

齊賢曰漢宮室疏蕭何造麒麟閣以藏祕書處賢才列子穆王

賓于西王母觴于瑤池之上王母爲王謠詩名白雲穆天子傳曰天子休于同中大寒北風雨雪天子作詩三章以哀人夫我徂黃竹負口闊寒乃宿於黃竹祭統曰鼎有銘銘者自名也自名以稱揚先祖之美而明著之後世者也扁舟言成功名遂我留在金門君去卧丹壑身退如范蠡扁舟泛五湖也未果三山期遙欣一丘樂玄珠寄象罔赤水非寥廓願狎東海鷗共營西山藥栖巖君寂滅處士余龍蠖良辰不同賞永日應閒居鳥吟簷間樹花落牕下書緣溪見綠篠隔岫窺紅蕖齊賢曰莊子黃帝遊乎赤水之北還歸遺其玄珠使知索之而不得使離朱索

之而不得使契詣索之而不得乃使象罔象罔得之列子海上之人有好鷗鳥者每旦之海上從鷗鳥遊鷗鳥之至百住而不止採薇行笑歌眷我情何已月出石鏡間松鳴

風琴裏得心自虛妙外物空頽靡身世如兩忘從君老

煙水

齊賢曰史記伯夷叔齊隱于首陽山作歌曰登彼西山兮採其薇矣石鏡見前

訓坊州王司馬與闔正字對雪見贈

陝右

遊子東南來自宛適京國飄然無心雲倏忽復西北訪

戴昔未偶尋嵇此相得愁顏發新歡終宴叙前識

齊賢曰王

子猷雪夜訪戴安道事見前晉書嵇康會稽上虞人東平呂安服康高致每一相思輒千里命駕

闔公

漢庭舊沉鬱富才力價重銅龍樓聲高重門側寧期此

相遇華館陪遊息積雪明遠峯寒城鎖春色主人蒼生  
望假我青雲翼風水如見資投竿佐皇極

齊賢曰史記上召田叔與

語漢庭臣無能出其右者

前漢太子宮有銅龍樓

訓中都小吏携斗酒雙魚於逆旅見贈

齊魯

魯酒若琥珀一作琥珀色汶魚紫錦鱗山東豪更有俊氣手

擣持一作此物贈遠人意氣相傾兩相顧斗酒雙魚表情

素雙鯀呀呷鰐鼈張蹊刺銀盤欲飛去呼兒拂几霜刃

揮紅肥花落白雪霏爲君下筋一餐飽一作罷醉著金鞍

上馬歸

齊賢曰琥珀注松脂入地千年爲茯苓

茯苓

千年爲琥珀

汶水出泰山萊蕪縣

酬張卿夜宿南陵見贈

月出魯城東明如天上雪魯女驚莎雞鳴機應秋節當

君相思夜火落金風高河漢掛戶牖欲濟無輕舠

齊賢曰火

落大火西流也舠小船也士贊曰梁元帝纂要曰秋日高秋風曰金風

我昔辭林丘雲龍

忽相見客星動太微朝去洛陽殿爾來得茂彥七葉仕

漢餘身爲下邳客家有圮橋書傳說未夢時終當起巖

野萬古騎辰星光輝照天下

齊賢曰賀知章薦太白召見待詔漢嚴光足加帝腹

感客星犯御座晉天文志太微天子庭也五帝座也良亡匿下邳於圯橋遇老父受書書說命高宗夢得說使百工營求諸野得諸傅巖乘東維騎箕尾而比於列星終古不忒

與君各未遇長策委蒿

萊寶刀隱玉匣鏽澁空莓苔遂令世上愚輕我土與灰

一朝攀龍去龜黿安在哉故山定有酒與爾傾金罍

齊賢曰

齊魯間謂龜爲螭龜耿也尤怒鳴聒人

訶岑勛見尋就元丹丘對酒相待以詩見招

黃鶴東南來寄書寫心曲倚松開其緘憶我腸斷續不

以千里遙命駕來相招中逢元丹丘登嶺宴碧霄對酒

忽思我長嘯臨清飈

齊賢曰鄂州有黃鶴樓因黃鶴山以名相傳費文禕得仙駕鶴憩此

世說呂安思嵇康千里命駕塞予未相知茫茫綠雲垂俄然素書及

解此長渴飢策馬望山月途窮造階墀喜茲一會面若

覩瓊樹枝憶君我遠來我歡方速至開顏酌美酒樂極  
忽成醉我情既不淺君意方亦深相知兩相得一顧輕

千金且向山容笑與君論素心

齊賢曰離騷註蹇難也

答從弟幼成過西園見贈

一身自瀟灑萬物何囂誼拙薄謝明時棲閒居故園二  
季過舊壑四鄰馳華軒衣劍照松宇賓徒光石門山童  
薦珍果野老開芳樽上陳樵漁事下叙農圃言昨來荷  
花滿今見蘭苔繁一笑復一歌不知夕景昏醉罷同所  
樂此情難具陳齊賢曰鄭玄禮記註曰聞誼囂則人意動作孔安國曰伯仲叔季順少長也文  
中子註關子明霍及皆隱於樵漁

訶王補闕惠翼莊廟宋丞泚贈別

學道三千春自言羲和人軒蓋宛若夢雲松長相親偶

將二公合復與三山鄰喜結海上契自為天外賓鸞翮

我先鋟所戒

龍性君莫馴

齊賢曰孔安國註堯典曰重

黎之後羲氏和氏世掌天地

四時之官南史陶潛嘗言五六月北窓下卧遇涼風暫

至自謂是羲皇上人說苑翟黃乘車戴華蓋田子方怪

而問之曰吾祿厚得

朴散不尚古時訛皆失真勿踏荒

此軒蓋鐵摧翼也

朴散不尚古時訛皆失真勿踏荒

溪波竭去也

邱傑切來浩然津辟帶何辭楚桃源堪避秦世

迫且離別心在期隱淪

諭贈非炯誠永言銘佩紳

齊賢曰陶

潛桃花源記事見二卷桓譚新論天下神人五

一曰神仙二曰隱淪士贊曰楞嚴經曰云何汝今以動爲身以

動爲境從始汨終念念生滅遺失真性顛倒行

事性心失真認物爲已輪回是中自取流轉

訓裴侍御對雨感時見贈

金陵

雨色秋來寒風嚴清江爽孤高繡衣人瀟灑青霞賞平  
生多感激忠義非外獎禍連積怨生事及徂川往楚邦

有壯士鄢郢翻掃蕩申包哭秦庭泣血將安仰鞭屍辱  
已及堂上羅宿莽頗似今之人蠭賊陷忠讐渺然一水

隔何由稅歸鞅日夕聽猿怨懷賢盈夢想

齊賢曰漢書表侍御史有

綉衣直指伍子胥傳吳王闔閭悉興師與唐蔡伐楚楚將子常敗走奔鄭吳乘勝而前五戰遂入郢昭王出奔吳師入郢子胥掘楚平王墓出其尸鞭之三百然後已申包胥求救於秦秦不許包胥立於秦庭晝夜哭七日

七夜不絕其聲秦哀公憐之遣車五百乘救楚敗吳昭王復入郢毛詩註食心曰螟食葉曰螣食根曰螽食節曰賊說文鞅頸組又曰柔革士贊曰說文稅或作脫即孟子不脫冕而行之義

贈李十二

士贊曰此詩乃攝監察御史崔成甫贈太白者附此

我是瀟湘放逐臣君辭明主漢江濱天外常求太白老金陵捉得酒仙人

酬崔侍御

嚴陵不從萬乘遊歸卧空山釣碧流自是客星辭帝座

元非太白醉揚州

齊賢曰逸史章仇兼瓊鎮西川訪道術士有一鬻酒者每有紗帽藜杖四

人來飲酒至數斗積至十餘石即併還之其言愛說孫  
思邈或報章仇公公專令探之忽一日又來公遂潛往  
從者三四人公照至前躍出再拜自稱姓名相顧徐起  
唯柴燼四枚在座前不復見矣時玄宗好道公奏其事  
詔召孫公問之曰此太白酒星仙格絕  
高每遊人間飲酒處處皆至尤樂蜀中

翫月金陵城西孫楚酒樓達曙歌吹日晚乘醉  
著紫綺裹烏紗巾與酒客數人棹歌秦淮往石  
頭訪崔四侍御

昨翫西城月青天垂玉鈎朝沽金陵酒歌吹孫楚樓忽  
憶繡衣人乘船往石頭草裏烏紗巾倒被紫綺裹兩岸

拍手笑疑是王子猷酒客十數公崩騰醉中流謳浪棹

海客喧呼傲陽侯

齊賢曰孫權治建鄴作石頭城王子猷雪夜訪戴逵事見前高誘淮南子

註曰陽國侯溺死於水其神能爲大波

半道逢吳姬卷簾出櫓榆我憶君

到此不知狂與羞一月一見君三杯便迴繞捨舟共連

袂行上南渡橋興發歌綠水秦客爲之搖雞鳴復相招

清宴逸雲霄贈我數百字字字凌風颺繫之衣裘上相

憶每長謠

齊賢曰擲榆舉手相弄也

江上答崔宣城

太華三芙蓉明星玉女峯尋仙下西嶽陶令忽相逢  
我將何事湍波歷幾重貂裘非季子鶴氅似王恭謬忝  
燕臺召而陪郭隗蹤水流知入海雲去或從龍樹繞蘆  
洲月山鳴鶴鎮鐘還期如可訪台嶺蔭長松齊賢曰陶潛為彭澤  
晉王恭美姿儀嘗衣鶴氅裘陟雪而行孟昶見之曰此真神仙中人也唐志宣州南陵縣有鶴頭鎮士贊曰太華三芙蓉明星玉女峯蘇季子黑貂之表徵燕昭王築臺師郭隗事並見前

答族姪僧中孚贈玉泉仙人掌茶并序

余聞荊州玉泉寺近清溪諸山山洞往往有乳窟

窟中多玉泉交流其中有白蝙蝠大如鴉按仙經  
蝙蝠一名仙鼠千歲之後體白如雪棲則倒懸蓋  
飲乳水而長生也其水邊處處有茗草羅生枝葉  
如碧玉唯玉泉真公常采而飲之年八十餘歲顏  
色如桃花而此茗清香滑熟異於他者所以能還  
童振枯扶人壽也余遊金陵見宗僧中孚示余茶  
數十片拳然重疊其狀如手號為仙人掌茶蓋新  
出乎玉泉之山曠古未覩因持之見遺兼贈詩要

余答之遂有此作後之高僧大隱知仙人掌茶發  
乎中孚禪子及青蓮居士李白也

常聞玉泉山山洞多乳窟仙鼠如白鴟倒懸清溪月若  
生此中石玉泉流不歇根柯洒芳津採服潤肌骨叢老  
卷綠葉枝枝相接連曝成仙人掌似拍洪崖肩舉世未  
見之其名定誰傳宗英乃禪伯投贈有佳篇清鏡燭無  
鹽顧慙西子妍朝坐有餘興長吟播諸天齊賢曰抱朴  
子曰千歲蟠

子曰千歲蟠

歸色如雪集則倒懸腦重  
故也新序無鹽齊之醜女

詒裴侍御留岫師彈琴見寄

君同鮑明遠邀彼休上人鼓琴亂白雪秋變江上春瑤

草綠未衰攀翻寄情親相思兩不見流淚空盈巾

齊賢曰鮑

照字明遠爲宋臨江王參軍沈約宋書曰沙門惠休善屬文徐湛之與之甚厚世祖命使還俗本姓湯位至楊

州從事陽春白雪曲名也

張相公出鎮荊州尋除太子詹事余時流夜郎行至江夏與張公去千里公因太府丞王昔使車寄羅衣二事及五月五日贈余詩余答以此

詩  
流夜郎  
至江夏

張衡殊不樂應有四愁詩慙君錦繡段贈我慰相思鴻

鵠復矯翼鳳凰憶故池榮樂一如此商山老紫芝

齊賢曰張

衡四愁詩序曰張衡不樂久處機密陽嘉中出爲河間

相時天下漸弊鬱鬱不得志爲四愁詩其辭曰美人贈

我錦綉緞何以報之青玉案商山

四皓歌曰燃熾紫芝可以療饑

醉後答丁十八以詩譏余槌碎黃鶴樓

黃鶴高樓已槌碎黃鶴仙人無所依黃鶴上天訴玉帝  
却放黃鶴江南歸神明太守再雕飾新圖粉壁還芳菲

一州笑我為狂客少年往往來相譏君平簾下誰家子  
云是遼東丁令威作詩調我驚逸興白雲遠筆牕前飛

待取明朝酒醒罷與君爛熳尋春暉

齊賢曰黃鶴樓事見前賀知章自號

四明狂客漢書嚴君平賣卜於城都市日閱數人得百錢足自養則閉門下簾而授老子遼東華表柱上有鶴云有鳥有鳥丁令威去家千年今始歸城郭雖是人民非士贊曰漢書黃霸爲潁川太守吏民咸稱神明

答裴侍御先行至石頭驛以書見招期月滿泛

洞庭

君至石頭驛寄書黃鶴樓聞緘識遠意速此南行舟風

水無定準湍波或滯留憶昨新月生西簷若瓊鈎今來  
何所似破鏡懸清秋恨不三五明平湖泛澄流此歡竟  
莫遂枉殺王子猷巴陵定遙遠持贈解人憂齊賢曰石  
頭驛在金陵王逸註楚辭曰曲瓊玉鈎也平湖指洞庭士贊曰古  
詩三五明月滿四五蟾兔缺枉殺王子猷是用子猷訪  
戴安道事乘興而來興盡而返

答高山人兼呈權顧二侯

虹霓掩天光哲后起康濟應運生夔龍開元掃氛翳太  
微廊金鏡端拱清遐裔輕塵集嵩嶽虛點聖明意謬揮

紫泥詔獻納青雲際

齊賢曰虹霓指太平公主輩哲后指玄宗郭氏曰雄曰虹謂明盛者

雌曰霓謂暗微者金鏡喻明道也自天寶初供奉翰林

潛草詔誥紫泥詔見前士贊曰夔龍唐虞賢臣季康邊

山序文曰人生天地間也若流

電之過戶牖輕塵之棲弱草

讒惑英主

心思踈佞臣

計彷徨庭闈下歎息光陰逝未作仲宣詩先流賈生涕

掛帆秋江上不為雲羅制山海向東傾百川無盡勢我

於鷗夷子相去千餘歲運闊英達稀同風遙執袂士贊曰列

子曰地不滿東南百川水源也登艤望遠水忽見滄浪柂高士何處來

虛舟渺安繫衣貌本淳古文章多佳麗延引故鄉人風

義未淪替顧侯達語默權子識通蔽曾是無心雲俱爲

此留滯雙萍易飄轉獨鶴思凌厲明晨去瀟湘共謁蒼

梧帝

齊賢曰通蔽  
通塞也

答杜秀才五松山見贈

宣城五松山南陵  
銅坑西五六里

首獻長楊賦天開雲雨歡當時待詔承明裏皆道楊雄  
才可觀敕賜飛龍二天馬黃金絡頭白玉鞍浮雲蔽日  
去不返總爲秋風摧紫蘭

齊賢曰楊雄獻賦待詔承明廷事見前註

角巾東

出商山道採秀行歌詠芝草路逢園綺笑向人兩君鮮

來一何好聞道金陵龍虎盤還同謝朓望長安千峯夾

水向秋浦五松名山當夏寒銅井炎鑪欹虛驕切九天

赫如鑄鼎荆山前陶公矍鑠呵赤電回祿睢盱揚紫煙

此中豈是久留處便欲燒丹從列仙

齊賢曰商山隸商州楚辭註秀謂芝

草東園公綺里季事見前諸葛亮至鄴曰鍾阜龍盤石

城虎踞謝朓有晚登三山還望京邑詩唐志秋浦有銅

有銀南陵舊有銅官治史黃帝採首山之銅鑄鼎於荆

山下杜預註曰回祿火神老子註曰睢睢盱跋扈之

貌字林曰睢仰愛聽松風且高卧颶颶吹盡炎氛過登

目時張目也

崖獨立望九州陽春欲奏誰相和聞君往年遊錦城章

仇尚書倒屣迎飛牋絡繹奏明主天書降問迴恩榮骯

骯不能就珪組至今空揚高蹈名

齊賢曰陽春曲名見前成都以江山明麗

號爲錦城夫子工文絕世奇五松新作天下推吾非謝尚邀

彥伯異代風流各一時一時相逢樂在今袖拂白雲開  
素琴彈爲三峽流泉音從茲一別武陵去去後桃花春

水深

齊賢曰謝尚邀彥伯事見前卷  
註士贊曰三峽流泉琴操名也

至陵陽山登天柱石訓韓侍御見招隱黃山

韓衆騎白鹿西往華山中玉女千餘人相隨在雲空見

我傳秘訣精誠與天通何意到陵陽遊目送飛鴻天子

昔避狄與君亦乘驄擁兵五陵下長策馭胡戎

齊賢曰  
列仙傳

韓衆齊人爲王採藥王不肯服衆自服之遂得仙後劉根字君安於華山見一人乘白鹿車者十餘人左右玉女四人執平筑之節皆年十五六餘再拜乞言神人曰爾聞有韓衆否答聞有之神人曰我是也陵陽山在涇縣西南百里乃竇子明

時泰解繡衣脫身若飛蓬鸞鳳

釣得白龍放之之處

翻羽翼啄粟坐樊籠海鶴一笑之思歸向遼東黃山過

石柱巘崿上攢叢因巢翠玉樹忽見浮丘公又引王子

喬吹笙舞松風朗咏紫霞篇請開藥珠宮步綱繞碧落

倚樹招青童何日可攜手遺形入無窮

齊賢曰黃山隸宣州黃帝與浮

丘公遊黃山駐天都峯今有浮丘公仙壇峯崿高峻貌

士贊曰紫霞篇即黃庭內景經也

經曰上清紫霞虛皇

前太上大道玉宸君閒居藥珠作七言散化五形變萬

神是爲黃庭曰內篇詠之萬遍升三天祕要經云仙宮

中有寥陽之殿藥珠之闕翠英之房道君在中而說經

綱罟氣也即禹步交乾履斗之法道書老君於東極碧

落之天浮黎之國書則文於青空之林成紫字

之文復授青童天君靈書紫文修行二十四字

### 酬崔十五見招

爾有鳥跡書相招琴溪飲手跡尺素中如天落雲錦讀  
罷向空笑疑君在我前長吟字不滅懷袖且三年

齊賢曰書

斷曰古文者黃帝史蒼頡所造頡首有四目通於神明  
仰觀奎星圓曲之勢俯察龜文鳥跡之象采衆美合而  
爲字是曰古文南州有  
琴溪即琴高控鯉之處

答王十二寒夜獨酌有懷

士贊曰按此篇造語  
事錯亂顛倒絕無

倫次董龍一事尤爲可笑決非太白之作乃先  
儒所謂五季間學太白者所爲耳具眼者自能  
別之今釐而

置諸卷末

昨夜吳中雪子猷佳興發萬里浮雲卷碧山青天中道  
流孤月孤月滄浪河漢清北斗錯落長庚明懷余對酒  
夜霜白玉牀金井冰崢嶸人生飄忽百年內且須酣暢

萬古情

齊賢曰王子猷雪夜乘興訪戴安道事見前西京雜記太極殿前有金井欄士贊曰詩云東有啓

明日有長庚傳日旦出謂明星為啓

君不能狸膏金距

明日既入謂明星為長庚庚續也

學鬪雞坐令鼻息吹虹霓君不能學哥舒橫行青海夜  
帶刀西屠石堡取紫袍吟詩作賦北牕裏萬言不直一

杯水世人聞此皆掉頭有如東風射馬耳

齊賢曰左傳季郈之雞鬪

季氏介其雞郈氏爲之金距唐哥舒翰爲龍右節度副  
大使築神威軍青海上天寶八載詔翰以朔方河東監  
牧兵十萬攻吐蕃石堡城克之遂以功加特進

魚目亦笑我請謂一作與明月同

驛鶻拳跼不能食蹇驢得志鳴春風折楊皇華合流俗

晉君聽琴枉清角巴人誰肯和陽春楚地由來賤奇璞

黃金散盡交不成白首為儒身被輕一談一笑失顏色

蒼蠅貝錦喧謗聲

齊賢曰韓非子曰晉平公問師曠音莫悲於清徵乎師曠曰不如清角公

曰寡人願聽之師曠不得已鼓之一奏有玄雲從北方起再奏之大風至大雨隨之裂幃幙破俎豆墮廊瓦坐者散走平公恐懼伏廊室曾參豈是殺人者讒言三及之間晉國大旱赤地三年

慈母驚與君論心握手榮辱於余亦何有孔聖猶聞傷鳳麟董龍更是何雞狗一生傲岸苦不諧恩疎媒勞志多乘嚴陵高揖漢天子何必長劍拄頤事玉階達亦

不足貴窮亦不足悲韓信羞將絳灌比禰衡恥逐屠沽

兒齊賢曰曾參殺人事見前士贊曰晉載記苻生司空王墮剛峻疾惡生嬖人董榮亂政墮疾之如仇畧不與言或曰董尚書貴幸公宜降意墮曰董龍是何雞狗而令國士與之言乎榮慙恨勸生誅墮臨刑榮曰公復

敢數董龍作雞狗乎墮瞋目叱之龍榮小字東漢書禰衡氣尚剛傲建安初來遊許下時許都新建賢士大夫四方來集咸問衡曰盍從陳長文司馬伯乎對曰吾焉能從屠沽兒耶

君不見李北海英

風豪氣今何在君不見裴尚書土墳三尺高棘一作居

少年早欲五湖去見此彌將鐘鼎疎

齊賢曰李邕字泰和楊州江都人父

善淹貫古今注文選釋事而忘意書成以示邕欲有所更善曰試爲我補益之邕附事見義善以爲不可奪故

兩書並行李嶠張廷珪薦之召拜左拾遺玄宗即位爲陳州刺史仇人告邕贓貸枉法下獄當死許昌男子孔璋上書曰臣與邕平生不欵曲臣知有邕邕不知有臣願代邕死疏奏得減死貶遵化尉流璋嶺南討賊有功徙澧州司馬後歷淄滑二州刺史始邕早有名重義愛士久斥外不與士大夫接因上計入朝人間傳其眉目瓌異至阡陌聚觀後生望風內謁門巷填隘中人臨問索所爲文章且進上以謾媚出爲北海太守天寶中柳勣有罪下獄邕嘗遺勣馬故吉溫使引邕詔就郡杖殺之時年七十天下稱李北海邕資豪放不能治細行裴尚

詳書未

李太白集分類補註卷十九

欽定四庫全書

李太白集分類補註卷二十一

集部

李太白集分類補註卷二十

宋 楊齊賢 集註

元 蕭士贊 补註

遊宴

遊南陽白水登石激作

襄陽

朝涉白水源暫與人俗疎島嶼佳境色江天涵清虛目  
送去海雲心閒遊川魚長歌盡落日乘月歸田廬

齊賢曰隨

州西北二百里曰棗陽縣有春陵故城在縣東漢元帝時春陵侯以其國地卑濕因割蔡陽之白水上唐二鄉為春陵侯邑

遊南陽清冷泉

惜彼落日暮愛此寒泉清西輝逐流水蕩漾遊子情空

歌望雲月曲盡長松聲

齊賢曰薛綜注清冷水名在南陽西鄂山上

尋魯城北范居士失道落蒼耳中見范置酒摘

蒼耳作

魯中

鴈度秋色遠日靜無雲時客心不自得浩漫將何之忽

憶范野人閒園養幽姿茫然起逸興但恐行來遲城壞

失徃路馬首迷荒陂不惜翠雲裘遂為蒼耳欺入門且

一笑把臂君為誰

齊賢曰蒼耳即卷耳今所謂羊負菜

酒客愛秋蔬山盤

薦霜梨他筵不下筋此席忘朝饑酸棗垂北郭寒瓜蔓

東籬還傾四五酌自詠猛虎詞近作十日歡遠為千載

期風流自簸蕩謳浪偏相宜酣來上馬去却笑高陽池

齊賢曰古猛虎行曰饑不從猛虎食暮不從野雀栖山簡鎮襄陽遊高陽池事見前

東魯門汎舟二首

日落沙明天倒開波搖石動水縈廻輕舟泛月尋溪轉

疑是山陰雪後來

齊賢曰王子猷雪夜訪戴事見前卷

其二

水作青龍盤石堤桃花夾岸魯門西若教月下乘舟去

何啻風流到剡溪

士贊曰剡溪見前

秋獵孟諸夜歸置酒單父東樓觀妓

傾暉速短炬走海無停川冀餐圓丘草欲以還頽年此

事不可得微生若浮烟

齊賢曰抱朴子圓丘多大蛇又生好藥黃帝將登焉廣成子告

之佩雄黃而駿發跨名駒雕弓控鳴弦鷹豪魯草白狐  
衆蛇皆去

兔多肥鮮邀遮相馳逐遂出城東田一掃四野空喧呼  
鞍馬前歸來獻所獲炮炙宜霜天出舞兩美人飄颻若  
雲仙留歡不知疲清曉方來旋

齊賢曰毛詩  
箋云駿疾也

### 遊太山六首

四月上太山石屏御道開六龍過萬壑澗谷隨縈廻馬  
跡遶碧峯于今滿青苔飛流洒絕巘水急松聲哀北眺  
崿嶂奇傾崖向東摧洞門閉石扇地底興雲雷

齊賢曰  
玄宗開

元十三年有事泰山其登山也為大次及中道休三刻而後升即御道也神仙傳八公與劉安登山所踏山上石皆陷成跡至今人馬跡猶存唐貞觀中長公弼與華陰雲臺觀劉法師在蓮花峯東隅至二石壁高千餘仞下臨無底之谷一逕濶數寸法師與公弼側足而立公弼以指叩石壁遂劃然開一門中有天地日月士贊曰六龍是用周易時登高望蓬瀛想像金銀臺天門一長乘六龍以御天事

嘯萬里清風來玉女四五人飄颻下九垓含笑引素手遺我流霞杯稽首再拜之自愧非仙才曠然小宇宙棄世何悠哉

齊賢曰漢志齊威宣燕昭使人入海求蓬萊方丈瀛洲此三神山諸仙人及不死之藥皆

在焉其物禽獸盡白而黃金銀為宮闕未至望之如雲及至反居水下泰山記泰山盤道屈曲而上凡五十餘

盤經小天門大天門仰視  
天門如從穴中窺天魄

## 其二

清曉騎白鹿直上天門山山際逢羽人方瞳好容顏捫  
蘿欲就語却掩青雲闕遺我鳥迹書飄然落巖間其字  
乃上古讀之了不閑感此三嘆息從師方未還

齊賢曰拾遺記

老聃其瞳方仙書云眼方者壽千歲黃帝之史沮誦蒼  
頤眺彼鳥跡始作書契漢書謂之科斗書尚書序上古  
之書謂之尚書士贊曰葛洪神仙傳漢武帝閒居殿上  
忽有一人乘雲車駕白鹿從天而下來集殿前帝驚問  
為誰曰我山中衛叔卿也

其三

平明登日觀舉手開雲闕精神四飛揚如出天地間黃  
河從西來窈窕入遠山憑崖攬八極目盡長空閒偶然  
值青童綠髮雙雲鬟笑我晚學仙蹉跎凋朱顏躊躇忽  
不見浩蕩難追攀齊賢曰泰山東南名日觀雞一鳴時  
日始出長三丈許士贊曰黃河西來

見前卷陶隱居真誥云青童大君曰欲植滅度根當拔生死氣沉吟墮九泉坐惜形骸棄

其四

清齋三千日裂素寫道經吟誦有所得衆神衛我形雲

行信長風颯若羽翼生攀崖上日觀伏檻窺東溟海色  
動遠山天雞已先鳴銀臺出倒景白浪翻長鯨安得不  
死藥高飛向蓬瀛齊賢曰魏文帝詩服之四五日身體  
華存夫人清齋於陽洛之山隱元之臺西王母降於  
臺中傳玉清隱書四卷以授華存海色日出之光也

其五

日觀東北傾兩崖夾雙石海水落眼前天光遙空碧千  
峯爭攢聚萬壑絕凌厯緬彼鶴上仙去無雲中跡長松  
入雲漢遠望不盈尺山花異人間五月雪中白終當遇

安期於此鍊玉液

齊賢曰安期生事見前

其六

朝飲王母池  
暝投天門闕  
獨抱綠綺琴  
夜行青山間  
明月露白夜  
靜松風歇仙人遊  
碧峯處處笙歌發  
寂靜娛清暉  
玉真連翠微  
想像鸞鳳舞  
飄颻龍虎衣  
捫天摘匏瓜  
恍惚不憶歸  
舉手弄清淺  
誤攀織女機  
明晨坐相失  
但見五雲飛

齊賢曰樂書綠綺相如蔡琰之琴名也

北史崔浩傳太史奏熒惑在匏瓜星中  
一夜忽然亡失集林曰昔有人尋河源見婦人浣紗問之曰此天漢也乃與一石歸問嚴君平云此織女支機

石今在成都嚴  
貞觀君平故宅

秋夜與劉碭山泛宴喜亭池

明宰試舟楫張燈宴華池文招梁苑客歌動郢中兒月色望不盡空天交相宜令人欲泛海只待長風吹

齊賢曰唐

志宋州睢陽郡碭山縣漢梁孝王築東苑方三百餘里大治宮室招延四方豪傑自山東遊士莫不至客有歌於郢中及謝安與孫綽等泛海事見前風土記南中六月有東南長風俗云黃雀長風時海魚變為黃雀因名

攜妓登梁王棲霞山孟氏桃園中

碧草已滿地柳與梅爭春謝公自有東山妓金屏笑坐

如花人今日非昨日明日還復來白髮對綠酒強歌心

已摧君不見梁王池上月昔照梁王樽酒中梁王已去

明月在黃鸝愁醉啼春風分明感激眼前事莫惜醉卧

桃園東

齊賢曰棲霞山在單父縣漢梁孝王苑中有雁池幽詩有鳴鶴鶴注黃鸝也

與從姪杭州刺史良遊天竺寺

吳中

挂席凌蓬丘觀濤憩樟樓三山動逸興五馬同遨遊天

竺森在眼松門颯驚秋覽雲測變化弄水窮清幽疊嶂

隔遙海當軒寫歸流詩成傲雲月佳趣滿吳洲

齊賢曰漢儀天

子六馬諸侯五馬錢塘寺天竺最盛山有二門南北相望而上下兩天竺寺自西湖入天竺寺路夾道皆古松其地名曰九里松靈隱天竺同在一處皆由松門而進圖經杭州靈山之陰北澗之陽即靈隱寺靈山之南南澗之陽即天竺寺二澗流水上號錢源

泉遠寺峯南北至峯前合為一澗

### 同友人舟行

楚臣傷江楓謝客拾海月懷沙去瀟湘挂席泛溟渤塞

予訪前跡獨往造窮髮古人不可攀去若浮雲沒

齊賢曰宋

玉招魂云湛湛江水兮上有楓目極千里兮傷春心注江水浸潤楓木使之茂盛傷已不蒙君惠而身放棄不如楓木得所也屈原作懷沙賦事見前士贊曰司馬彪曰窮髮者北極之下無毛之地地理書以草為髮願

言弄倒景從此鍊真骨華頂窺絕溟蓬壺望超忽不知

青春度但怪綠芳歇空持釣鰲心從此謝魏闕

士贊曰  
倒景絕

溟釣鰲三

事並見前

下終南山過斛斯山人宿置酒

長安

暮從碧山下山月隨人歸却顧所來徑蒼蒼橫翠微相攜及田家童稚開荆扉綠竹入幽徑青蘿拂行衣歡言得所憩美酒聊共揮長歌吟松風曲盡河星稀我醉君復樂陶然共忘機

齊賢曰毛萇曰終南周之名山在長安之南爾雅曰山未及上曰翠微

朝下過盧郎中叙舊遊

君登金華省我入銀臺門幸遇聖明主俱承雲雨恩復此休浣時間為疇昔言却話山海事宛然林壑存明湖

思曉月疊嶂憶清猿何由返初服田野醉芳樽

齊賢曰  
唐有銀

臺門通進司檀弓注疇發聲昔猶前也楚辭進不入以離尤退將復脩吾初服士贊曰顏師古曰金華殿在未央

後

侍從遊宿溫泉宮作

羽林十二將羅列應星文霜仗懸秋月霓旌卷夜雲嚴

更千戶肅清樂九天聞日出瞻佳氣葱葱繞聖君

齊賢

曰甘

氏星經羽林府四十五星壘壁陳十二星在營室南主羽林衛天子之軍武帝太初元年置建章營騎後更名

羽林騎唐因隋制有十二衛儀衛志凡朝會之仗三衛番上分為五仗天子將出前二日大樂令設宮縣之樂於庭晝漏之上五刻駕發前發七刻擊一鼓為一嚴前

五刻擊二鼓為再嚴前二刻三鼓為三嚴諸衛令督其隊以次入陳

邯鄲南亭觀妓

燕趙

歌鼓

一作妓

燕趙兒魏姝弄鳴絲粉色艷日彩舞袖拂花

枝把酒顧美人請歌邯鄲詞清箏何繚繞度曲綠雲垂

平原君安在科斗生古池座客三千人於今知有誰我輩不作樂但為後代悲

齊賢曰詩箋云妹美好之子樂書唐惟有清樂箏十二絃彈之為鹿骨爪長寸餘代指他皆十三絃今教坊無十二絃者善度曲事見前士贊曰尚書序注曰科斗虫名蝦蟆子

春日遊羅敷潭

行歌入谷口路盡無人躋攀崖度絕壑弄水尋廻溪雲從石上起客到花間迷淹留未盡興日落羣峯西

齊賢曰左

傳注躋升也

春陪商州裴使君遊石娥溪

裴公有仙標拔俗數千丈澹蕩滄洲雲飄颻紫霞想剖

竹商洛間政成心已閒蕭條出世表冥寂閉玄關

士贊曰黃

庭內景玉經曰上清紫霞虛皇前註云紫霞之宮一名紫瓊宮王簡栖頭陀寺碑曰玄闕幽鍵感而遂通

我

來屬芳節解榻時相悅褰帷對雲峯揚袂指松雪慙出來城邊遂遊西巖前橫天聳翠壁噴壑鳴紅泉尋幽殊未歇愛此春光發溪傍饒名花石上有好月命駕歸去來露華生翠苔淹留惜將晚復聽清猿哀清猿斷人腸

遊子思故鄉明發首東路此歡焉可忘

齊州

陪從祖濟南太守泛鵠山湖三首

初謂鵠山近寧知湖水遙此行殊訪戴自可緩歸橈

齊賢

曰唐齊州濟南郡治歷城縣子猷訪戴事見前

其二

湖闊數千里湖光搖碧山湖西正有月獨送李膺還

齊賢

曰郭太遊洛陽見河南尹李膺膺大奇之後歸鄉里衣冠諸儒送至河林宗與李膺同舟而濟衆賓望之以為

神仙太白

以方李膺

其三

水入北湖去舟從南浦回遙看鵲山轉却似送人來

齊賢

曰南浦在  
鵲湖之南

春日陪楊江寧及諸官宴北湖感古作

金陵

昔聞顏光祿攀龍宴京湖樓船入天鏡帳殿開雲衢君  
王歌大風如樂豐沛都延年獻佳作邈與詩人俱

齊賢  
丹

陽郡圖經樂遊苑晉時樂圃元嘉中築隄壅水名為北  
湖漢高祖過沛酒酣上擊筑自歌曰大風起兮雲飛揚

安得猛士兮守四方我來不及此獨立鍾山孤楊宰穆清風飈

一作

芳聲騰海隅英僚滿四座粲若瓊林敷鷁首弄倒景蛾

眉綴明珠新絃採

一作來

梨園古舞嬌吳歛曲度繞雲

一作

清漢聽者皆歡娛

齊賢曰北

山移文鍾山之英即今建

法曲其聲清新而近雅

玄宗酷愛法曲選坐

士贊曰唐禮樂志初隋有

部伎弟子三百人教於梨園

謂之梨園弟子

雞棲何嘈嘈

江 曰月沸笙竽古之帝宮苑今乃人樵蘇感此勸

一觴願君覆瓢壺榮盛

一作盛時

當作樂無令後賢吁

齊賢曰月

令仲夏調笙竽金陵六朝之故都晉灼曰樵取薪蘇取草士贊曰嘈嘈衆聲也末句意蓋自國風山有樞中來也

宴鄭參卿山池

爾恐碧草晚我畏朱顏移愁看楊花飛置酒正相宜歌  
聲送落日舞影廻清池今夕不盡杯留歡更邀誰

遊謝氏山亭

淪老卧江海再歡天地清病間久寂寞歲物徒芬榮借  
君西池遊聊以散我情掃雪松下去捫蘿石道行謝公  
池塘上春草颯已生花枝拂人來山鳥向我鳴田家有  
美酒落日與之傾醉罷弄歸月遙欣稚子迎

把酒問月

故人賈淳  
令予問之

青天有月來幾時我今停杯一問之人攀明月不可得  
月行却與人相隨皎如飛鏡臨丹闕綠烟滅盡清暉發  
但見宵從海上来寧知曉向雲間沒白兔擣藥秋復春  
嫦娥孤棲與誰鄰今人不見古時月今月曾經照古人  
古人今人若流水共看明月皆如此惟願當歌對酒時  
月光長照金樽裏

同族姪評事黠遊昌禪師山池二首

遠公愛康樂為我開禪闥蕭然松石下何異清涼山花

將色不染水與心俱閒一坐度小劫觀空天地間

齊賢乾

封二年宣律師在長安城南淨業寺脩道忽有一大人來至彼自言姓王名璠因問曰自昔相傳文殊在清涼山領五百仙人說法經中明文曰文殊久住娑婆世界如何偏在此方答曰文殊是諸佛之元帥隨緣利見但知仰信多在清涼山五臺之中今屬代州西五臺縣清涼府今五臺山東南三十里見有大孚靈鷲寺有花園可二頃許四時發茂色類不同人移花栽別處皆不生惟在園內方得久榮或曰漢明所植或曰魏孝文栽植如何答曰但是二帝所作士贊曰老子說常清淨經曰觀空亦空空無定空

其二

客來花雨際秋水落金池片石寒青錦疎楊挂綠絲高

僧拂玉柄童子獻霜梨惜去愛佳景烟蘿欲暝時

齊賢

金陵雨花臺梁武時有僧講經於此天雨寶花此臺在長干山之頭後漢驃國王居此二池以金為堤舟楫皆飾

金寶

### 金陵鳳凰臺置酒

置酒延落景金陵鳳凰臺長波寫萬古心與雲俱開借  
問徃昔時鳳凰為誰來鳳凰去已久正當今日迴明君  
越羲軒天老坐三台豪士無所用彈絃醉金罍東風吹

山花安可不盡杯六帝沒幽草深宮冥綠苔置酒勿復

道歌鐘但相催

齊賢曰鳳凰臺在金陵宋元嘉中王顥見異鳥集於山時謂鳳凰遂起臺於山

羲軒伏羲軒轅也

列子注云天老力牧太山積三人黃帝之相六帝吳晉宋齊梁陳也

秋浦清溪雪夜對酒客有唱鷓鴣者

秋浦

披君

一作我

貂襜褕對君白玉壺雪花酒上滅頓覺夜寒

無客有桂陽至能吟山鷓鴣清風動窓竹越鳥起相呼

持此足為樂何煩笙與竽

齊賢曰說文直裾謂之襜褕

唐郴州桂陽郡錄異云鷄鳩

嶺南偏多臆前有白圓點背上間紫赤毛多對啼自呼杜薄州

與周剛清溪玉鏡潭宴別

潭在秋浦湖陂下

康樂上官去永嘉遊石門江亭有孤嶼千載跡猶存我

來憩秋浦三入桃波源千峯照積雪萬壑盡啼猿興興

謝公合文因周子論

齊賢曰謝康樂有登石門最高頂詩  
石門澗六處石門邇水上入兩山口

兩邊石壁右邊石岩下臨澗水秋浦見前卷

掃厓去落葉席月開清樽溪當

大樓南溪水正南奔迴作玉鏡潭澄明洗心魂此中得  
佳境可以絕囂喧清夜方歸來酣歌出平原別後經此

地為余謝蘭蓀

齊賢曰大

樓山名

遊秋浦白芍陂二首

何處夜行好月明白芍陂山光搖積雪猿影挂寒枝但  
恐佳景晚小令歸棹移人來有清興及此有又相思

其二

白芍夜長嘯爽然溪谷寒魚龍動陂水處處生波瀾天  
借一明月飛來碧雲端故鄉不可見腸斷正西看

宴陶家亭子

尋陽

曲巷幽人宅高門大士家池開照膽鏡林吐破顏花綠

水巖春日青軒祕晚霞若聞絃管妙金谷不能誇曰齊賢

瞻言池水之清照人如見肝膽晉石

崇有別館在河陽之金谷一名梓澤

在水軍宴韋司馬樓船觀妓

永王  
軍中

搖曳帆在空清流川一作順歸風詩因鼓吹發酒為劔歌

雄對舞青樓妓雙鬟白玉童行雲且莫去留醉楚王宮

齊賢曰謝玄暉有鼓吹曲蔡邕曰鼓吹歌軍樂也謂之短簫銃歌黃帝岐伯所作士贊曰白玉童言其童之顏

如白玉也

流夜郎至江夏陪長史叔及薛明府宴興德寺

南閣

江夏

紺殿橫江上，青山落鏡中。岸迴沙不盡，日映水成空。

樂流聞

一作

香閣蓮舟颺，晚風恭陪竹林宴。留醉與陶公。

齊賢曰

說文紺深青色齊景公造蓮舟令宮人綵女撐

之以闢名競渡亦名花競陶潛性嗜酒家貧不能常得

親舊知其如此或置酒招之造飲輒盡期必醉而退曾不吝情

泛沔州城南郎官湖

并序

乾元歲秋八月白遷於夜郎遇故人尚書郎張謂  
出使夏口沔州牧杜公漢陽宰王公觴于江城之

南湖樂天下之再平也方夜水月如鍊清光可掇  
張公殊有勝槩四望超然乃顧白曰此湖古來賢  
豪遊者非一而枉踐佳景寂寥無聞夫子可為我  
標之嘉名以傳不朽白因舉酒酌水號之曰郎官  
湖亦猶鄭圃之有僕射陂也席上文士輔翼岑靜  
以為知言乃命賦詩紀事刻石湖側將與大別山  
共相磨滅焉

張公多逸興共泛沔城隅當時秋月好不減武昌都四

座醉清光為歡古來無郎官愛此水因號郎官湖風流若

未減名與此山俱

齊賢曰漢陽本沔州武德四年以漢陽郡之漢陽汎川二縣置武昌在鄂

必造峴山置酒嘗慨然嘆息謂中郎鄒湛等曰自有宇

宙便有此山由來賢達勝士登此如我與卿等者多矣

皆湮滅無聞使人悲傷湛曰公令聞令望必與此山俱

傳若湛輩乃當如公言耳

### 陪侍郎叔遊洞庭醉後三首

今日竹林宴我家  
賢侍郎三杯容小阮

齊賢

曰嵇康與山濤阮籍兄子咸王戎向秀劉伶為竹林之遊世謂竹林七賢咸字仲容雖處世不交人事惟共親

知絃歌酣宴而已籍子渾有父風少慕通達不飾小節  
籍謂曰仲容已豫吾此流汝不得復爾士贊曰蘇林曰  
凡狂者陰陽脉盡濁今此人不狂似狂者故言清狂也

## 其二

船上齊橈樂湖心泛月歸白鷗閒不去爭拂酒筵飛齊賢

曰楫謂之橈小楫也方言

## 其三

剗却君山好平鋪湘水流巴陵無限酒醉殺洞庭秋齊賢

曰君山在洞庭東距巴陵四十里登岳陽樓望之橫陳  
其前君山之後乃大湖渺茫無際直抵沅澧鼎三州

夜泛洞庭尋裴侍郎清酌

日晚湘水綠孤舟無端倪明湖漲秋月獨泛巴陵西過  
憩裴逸人巖居陵丹梯抱琴出深竹為我彈鷓鴣曲盡  
酒亦傾北窓醉如泥人生且行樂何必組與珪

齊賢曰  
湘水巴

陵事見前丹梯山名鷄雞  
曲名古琵琶絃用鷄雞筋

陪族叔刑部侍郎曇及中書賈舍人至遊洞庭

五首

洞庭西望楚江分水盡南天不見雲日落長沙秋色遠

不知何處弔湘君

齊賢曰岷江從西來至岳陽樓前與洞庭之水合而東行潭州長沙郡在

葬於此塚在縣北一百六十里青草山士贊曰此時賈

至貶岳州司馬與白均是逐臣避逅而為洞庭之遊作是詩也亦屈原瞻顧宗國繫心懷王之意乎時帝在西京故曰西望也楚江分者有秦楚之隔也水盡南天不見雲者猶晉明帝所謂舉目只見日不見長安之義雲者就之如日望之如雲之義亦謂南天隔遠西望吾君不可得而見也日落長沙秋色遠者謂晚景而遭末造之時也遠者日以疎遠也不知何處弔湘君者蓋舜之葬也二妃不得從焉是又即湘君之事而重感明皇王后楊妃之事故曰不知何處也寄興深遠無非愛君憂國之意而全不着迹其得國風之體歟晦庵所謂聖於詩者此之謂矣

其二

南湖秋水夜無烟，耐可乘流直上天。  
且就洞庭賒月色，將船買酒白雲邊。

其三

洛陽才子謫湘川，元禮同舟月下仙。  
記得長安還欲笑，不知何處是西天。

齊賢曰：後漢郭泰歸鄉，李膺送之，同舟而濟，衣冠望之若神仙。元禮，李膺字也。士贊曰：賈生洛陽之才子。按唐書本傳：賈至字幼鄰，玄宗幸蜀，拜起居舍人，知制誥，歷中書舍人，至德後坐小法，貶岳州司馬。太白故以賈生事比之也。此詩雖遊賞之作，然末句隱然有眷顧宗國繫心君王之意。其詩雖

視前輩所評杜甫之詩一飯不忘君者夫何慊之有哉

## 其四

洞庭湖西秋月輝瀟湘江北早鴻飛醉客滿船歌白紵  
不知霜露入秋衣

齊賢曰白紵歌云皎皎白緒節節為雙蓋吳音呼紵為緒當塗有白苧亭

宋武帝與羣臣會於此為白苧之歌

## 其五

帝子瀟湘去不還空餘秋草洞庭間淡掃明湖開玉鏡

丹青畫出是君山

齊賢曰帝子堯女舜妃也青草湖在金沙堆上堆下即洞庭君山居洞庭

東正對岳陽自瀟湘來  
望之如脩眉見於鏡中

楚江黃龍磯南宴楊執戟治樓

荆楚

五月入五洲碧山對青樓故人楊執戟春賞楚江流一  
見波漂月三杯歌棹謳桂枝攀不盡他日更相求

士贊曰執

戟事見  
二卷

銅官山醉後絕句

宣城

我愛銅官樂千年未擬還要須迴舞袖拂盡五松山

齊賢

曰唐宣州南陵縣武德四年隸池州州廢屬宣州後  
析置義安縣又廢義安為銅官治利國山有銅有鉄

與南陵常贊府遊五松山

安石泛溟渤獨嘯長風還逸韻動海上高情出人間靈異可並跡澹然與世閒

齊賢曰世說謝安石與孫我來興公泛海吟笑事見前

五松下置酒窮躋攀徵古絕遺老因名五松山五松何清幽勝境美沃州蕭颯鳴洞壑終年風雨秋響入百泉

去聽如三峽流剪竹掃天花且從傲吏遊龍堂若可憩

吾欲掃精脩

齊賢曰高僧傳支遁投跡剡山於沃州東嶺立寺行道晚移石城山有精舍在南陵

銅井西五里

宣城青溪一云入清溪山

青溪勝桐廬水木有佳色山貌日高古石容天傾側綵鳥昔未名白猿初相識不見同懷人對之空嘆息

齊賢曰桐

廬縣新安東陽二水合於此仍東流為浙江

與謝良輔遊涇川陵巖寺

乘君素舸泛涇西宛似雲門對若溪且從康樂尋山水

何必東遊入會稽

齊賢曰唐宣州涇縣以涇溪而名若耶溪雲門在越州會稽縣南

遊水西簡鄭明府

天宮水西寺雲錦照東郭清湍鳴廻溪綠水繞飛閣涼  
風日瀟洒幽客時憩泊五月思貂裘謂言秋霜落石蘿  
引古蔓岸筍開新籜吟飫空復情相思爾佳作鄭公詩  
人秀逸韻宏寥廓何當一來遊愜我雪山諾士贊曰五  
月思貂裘

此極涼之  
形容也

### 九日登山

淵明歸去來不與世相逐為無杯中物遂偶本州牧因  
招白衣人笑酌黃花菊齊賢曰陶潛賦歸去來事見前  
刺史王弘欲識潛往廬山令其

故人龐通之齋酒具於半道栗里要之潛有脚疾使一  
門生一兒舉籃輿及至欣然便共飲酌俄頃弘至亦無  
許也續晉陽秋曰陶潛九日無酒出宅邊菊叢中坐久  
之望見白衣人來乃刺史王弘送酒即便就酌醉而後

歸我來不得意虛過重陽時題輿何俊發遂結城南期

築土接響山俯臨宛水渭胡人叫玉笛越女彈霜絲自  
作英王胄斯樂不可窺赤鯉湧琴高白龜道冰夷靈僊

如彷彿莫醉遙相知

齊賢曰霜絲白絲也列仙傳琴高趙人以鼓琴為宋康王舍人行涓

彭之術遊冀州涿郡間二百餘年後辭入涿水中取龍子與弟子期曰候我於水旁祠屋果乘赤鯉來出祠中山海經從極之川永夷常都焉永夷人面而乘龍郭璞留月餘復入水去九域志宣州琴溪即琴高控鯉之地

曰水夷  
也

古來登高人今復幾人在滄洲違宿諾明日猶

馮夷也

可待連山似驚波合沓出溟海揚袂揮四座酩酊安所

知齊歌送清揚起舞亂參差賓隨落葉散帽逐秋風吹

別後登此臺願言長相思

齊賢曰孟嘉為桓溫參軍九月九日遊龍山嘉醉有風吹

落帽而

不知

### 九日

今日雲景好水綠秋山明攜壺酌流霞舉  
音塞菊泛寒榮  
地遠松石古風揚絃管清窺觴照歡顏獨笑還自傾落

帽醉山月空歌懷友生

齊賢曰說文  
寧拔取也

九日龍山飲

當塗

九日龍山飲黃花笑逐臣醉看風落帽舞愛月留人

齊賢

曰九域志太平州治當塗有龍山即桓溫九月九日登此置酒風吹孟嘉帽落處士贊曰禮記月令季秋之月

菊有  
黃華

九月十日即事

昨日登高罷今朝更舉觴菊花何太苦遭此兩重陽

陪族叔當塗宰遊化城寺升公清風亭

化城若化出金榜天宮開疑是海上雲飛空結樓臺升

公湖上

一作山

秀粲然有辯才濟人不利已立俗無嫌猜

了見水中月青蓮出塵埃閒居清風亭左右清風來當

暑陰廣殿太陽為徘徊

齊賢曰列子曰周穆王時西極國有化人來謁王同遊王執

化人之祛騰而上者中天迺及化人之宮構以金銀絡以珠玉出雲雨之上王實以為清都紫微鈞天廣樂帝之所居晉志海旁蜃氣象樓臺廣野氣成宮闕升公化城寺僧也士贊曰維摩詰經菩薩云何觀於衆生維摩詰言菩薩觀衆生如智者見水中月寶積偈曰日淨脩廣如青蓮

茗酌待幽客珍盤薦

彫梅飛文何灑落萬象為之摧季父擁鳴琴德聲布雲

雷雖遊道林室亦舉陶潛杯清樂動諸天長松自吟哀

留歡若可盡劫石乃成灰

齊賢曰當塗宰李陽冰乃太白之叔為季父士贊曰高僧

竺法蘭傳云昔漢武帝穿昆明池底得黑灰問東方朔

朔曰可問西域梵人後漢竺法蘭既至衆人追問之蘭

云世界終盡劫火

洞燒此灰是也

李太白集分類補註卷二十

謹案卷十九第二頁前三行汶水出萊蕪西入濟

刊本蕪訛州據漢書地理志改

第二頁前六行約之矢以射城中刊本脫約之二字據史記魯仲連傳增

第二頁前七行歸而言魯連欲爵之刊本而訛每據史記魯仲連傳改

第四頁前一行秋水時至刊本時訛渚據莊子秋水

篇改

第四頁後六行贈李十二左司郎中崔宗之案此係  
崔宗之贈太白詩因下載太白酬詩故先記此刊  
本將詩頂格寫與本集詩混今改低一格以別之  
第五頁前二行記月令立秋日涼風至又五日白  
露降案此係逸周書月令篇文唐明皇命李吉  
甫等修月令仍用之非禮記原本此引作記蓋  
仍唐石經之誤

第五頁前八行時時著書刊本下時字訛已又為

一卷書曰刊本脫曰字據漢書司馬相如傳改

增

第六頁後八行屢忝白雲唱刊本忝字缺據全唐

詩補

第七頁前一行蕭何造麒麟閣以藏秘書處賢才

刊本脫何字處字據漢書顏師古注引宮閣疏

增

第七頁後三行得心自虛妙刊本虛訛非據全唐

詩改

第十一頁後四行我是瀟湘放逐臣刊本此詩頂  
格寫今改正

第十二頁後五行秦客為之搖刊本客訛君搖訛  
謳並據全唐詩改

第二十頁前二行庚續也刊本脫庚字據詩毛傳增  
第二十一頁前三行董龍是何雞狗刊本何訛同又勸  
生誅墮刊本生訛上並據晉書載記改

第二十一頁前四行時許都新建刊本時訛是據後漢書改  
卷二十第五頁後七行綠綺相如蔡琰之琴名也  
刊本綠綺二字訛在之字下今改

第六頁後八行疊嶂隔遙海刊本海訛響又詩成  
傲雲月刊本詩訛轉並據全唐詩改

第七頁前一行南北相望刊本望訛名今改

第八頁後二行武帝太初元年置建章營騎刊本

初訛白據漢書百官公卿表改

第十頁前三行初謂鵲山近刊本山訛橋據全唐詩及繆曰芑本改

第十一頁後三行留歡更邀誰刊本誰訛詩據全唐詩改

第十二頁後六行四時發茂刊本茂訛將今改

第十四頁前三行我來憩秋浦刊本憩訛源據文苑英華及全唐詩改

第十四頁前四行石門遡水上入兩山口刊本脫

入字口字據文選李善注增

第十六頁後四行必與此山俱傳刊本脫傳字據

晉書羊祜傳增

第十七頁前七行醉殺洞庭秋刊本殺訛後據全

唐詩改

第二十一頁後二行續晉陽秋曰刊本脫續字考

藝文類聚引此文作續晉陽秋今據增又即便就酌刊本酌下衍取字據藝文類聚刪



總校官候補中書臣吳紹潔

校對官中書臣王家賓

謄錄監生臣陳炳

謄錄監生臣陸肇脩

欽定四庫全書叢書要

集部

李太白集分類補註卷二十一



詳校官助教臣常循

欽定四庫全書叢要卷一萬三千六百六十二

集部

李太白集分類補註卷二十一

宋 楊齊賢 集註

元 蕭士贊 补註

登覽

登錦城散花樓

蜀中

日照錦城頭朝光散花樓金窓夾綉戶珠箔懸銀鈎飛  
梯綠雲中極目散我憂一作愁暮雨向三峽春江繞雙流

今來一登望如上九天遊

齊賢曰成都記府城亦呼為錦官城以江山明麗錯雜如

錦散花樓在摩訶池上蜀王秀所建三峽明月峽巴峽巫峽蜀都賦帶二江之雙流註蜀守李冰鑿離堆穿兩

江為人開田百姓享其利士贊曰三秦記明光宮皆珠璣為簾箔

### 登峨眉山

蜀國多仙山峨眉邈難匹周流試登覽絕怪安可悉青冥倚天闕彩錯疑畫出冷然紫霞賞果得錦囊術雲間吟瓊簫石上弄寶瑟平生有微尚歡笑自此異煙容如今顏塵累忽相失儻逢騎羊子攜手凌白日

齊賢曰峨眉縣在嘉

州西九十里唐析嘉州置眉州大峨之中有普賢閣背  
倚白崖峯餘十七峯共環之有茂真尊者舊庵在峯下  
呼其傍一峯號呼應孫思邈所往來傳云茂真與孫嘗相  
呼而應故名大峨之巔一名勝峯山佛書以為普賢大  
士所居西王母出紫錦囊隱地入術經授茅君事見前  
郡國志吳孫皓時滕脩為廣州刺史未至州有五仙人  
騎五色羊來迎

## 大庭庫

魯中

朝登大庭庫雲物何蒼然莫辨陳鄭火空靈鄒魯煙我  
來尋梓慎觀化入寥天古木朔氣多松風如五絃帝圖  
終冥沒歎息滿山川齊賢曰杜預左傳注大庭氏古國  
名在魯城內魯於其處作庫高顯

故登以望氣昭公十八年五月宋衛陳鄭皆火梓慎登大庭氏之庫以望之曰宋衛陳鄭也數日皆來告火

登單父陶少府半月臺

陶公有逸興不與常人俱築臺像半月迴向一作高城

隅置酒望白雲商一作飈起寒梧秋山入遠海桑柘羅

平蕪水色綠且明一作清令人思鏡湖終當過江去愛此

暫踟躕

天台曉望

吳中

天台鄰四明華頂高百越門標赤城霞樓棲滄島月憑

高登遠覽直下見溟渤雲垂大鵬翻波動巨鼇沒風潮  
爭淘湧神怪何翕忽觀奇跡無倪好道心不歇攀條摘  
朱實服藥鍊金骨安得生羽毛千春卧蓬闕齊賢曰抱朴子曰金丹鍊人身體故能令人不老不死士贊曰臨海記云天台山超然秀出山有八重視之如一高一萬八千丈周回八百里洞天福地記云天台山名上清玉平之天即桐栢真人所理亦名桐栢山四明山在今明州西八十里山有峯最高四穴在峯上每天色晴霽望之如戶牖相倚華頂峯在天台縣東北六十里蓋天台第八重最高其高一萬丈絕頂東望滄海俗號望海尖草木薰郁殆非人世赤城山在天台縣東六里一名燒山其上石壁皆如霞色望之如雉

# 早望海霞邊

四明三千里，朝起赤城霞。日出紅光散，分輝照雪崖。

一食嚙瓊液，五內發金沙。舉手何所待，青龍白虎車。

齊賢曰  
布山天台之西南峯水從南巖懸注望之如曳布即雪崖也神仙傳沈羲吳郡人得道帝令仙官薄延之乘白鹿車司馬生乘青龍車徐福乘白虎車召羲共載升天士贊曰魏伯陽參同契曰薰蒸入五內顏色悅澤好

# 焦山望松寥山

齊賢曰  
焦山在鎮江府大江中

石壁望松寥，宛然在碧霄。安得五線虹駕天，作長橋。仙人如愛我，舉手來相招。

杜陵絕句

長安

南登杜陵上北望五陵間秋水明落日流光滅遠山齊賢曰

班固西都賦南望杜霸北眺五陵

登太白峯

西上太白峯夕陽窮登攀太白與我語為我開天闢願乘冷風去直出浮雲間舉手可近月前行若無山一別武功去何時復見還齊賢曰唐志鳳翔府郿縣有太白鬼谷子於此授蘇秦佐國之術錄異記金星之精墮於終南主峯西因號太白山其精化為白石狀如美玉時有紫氣覆之天寶中玄宗立玄

元廟夢神人曰太白北谷有玉石可琢取之紫氣見處是也使求得之琢象高二丈士贊曰毛詩註曰山西曰陽夕

登邯鄲洪波臺置酒觀發兵

燕趙

我把兩赤羽來遊燕趙間天狼正可射感激無時間觀  
兵洪波臺倚劒望玉闕請纓不繫越且向燕然山風引  
龍虎旗歌鐘昔追攀擊筑落高月投壺破愁顏遙知百  
戰勝定掃鬼方還齊賢曰家語赤羽若日白羽若月晉志狼一星在東井東南狼為野將主剽掠弧星在狼東南主備盜賊常向於狼終軍字子雲南越與漢和親軍自請願受長纓必羈南越王致之闕

下軍遂往說越王王請舉國南屬天子大說寶憲遣閣  
盤等與北單于戰于稽落山大破之於是八十一部率  
衆降登燕然山刻石勒功令班固作銘樂書筑類其頸  
細其肩圓以竹擊之祭遵為將軍取士皆用儒術對酒  
設樂必雅歌投壺鬼方國名

### 登新平樓

陝西

去國登茲樓懷歸傷暮秋天長落日遠水淨寒波流秦  
雲起嶺樹胡鴈飛沙洲蒼蒼幾萬里目極令人愁

### 謁老君廟

梁宋

先君懷聖德靈廟肅神心草合人蹤斷塵濃鳥跡深流

沙丹竈滅闢路紫煙沈獨傷千載後空餘松柏林

齊賢曰關

令尹喜望紫氣知老子入闢與俱之流沙事詳見前卷士贊曰唐祖老子故白稱為先君

秋日登揚州西靈塔

淮南

寶塔凌蒼蒼登攀覽四荒頂高元氣合標出海雲長萬象分空界三天接畫梁水搖金刹影日動火珠光鳥拂瓊簾度霞連綉栱張目隨征路斷心逐去帆揚露浴梧楸白霜摧橘柚黃玉毫如可見於此照迷方

齊賢曰鑑婆利國自

交州浮海而至多火珠大者如雞卵白照數尺日中以艾藉珠輒火出

# 登金陵冶城西北謝安墩

金陵此墩即晉太傅謝安與右軍王羲之同登

超然有高世之志余將營園其上故作是詩也

晉室昔橫潰永嘉逐南奔沙塵何茫茫龍虎鬪朝昏胡

馬風漢草天驕戲中原

齊賢曰晉永嘉五胡亂華元帝南渡事見前光武紀四夷雲集

龍關野史記匈奴天之驕子

哲匠感類運雲鵬忽飛翻組練照楚國

旌旗連海門西秦百萬衆戈甲如雲屯投鞭可填江一

掃不足論

一作一策

皇運有返正醜虜無遺魂談笑遏橫流

蒼生望斯存冶城訪古跡

一作至今

猶有謝安墩憑覽

古城隅

周地險高標絕人喧想像東山姿緬懷右軍言

齊賢曰  
哲匠指

謝安也左傳楚子重伐吳使鄧廖率組甲三百被練三千杜預注組甲漆甲成組文被練練袍西秦苻堅也堅

以百萬之衆伐晉以吾之衆投鞭於河足斷其流謝安遣謝玄等拒敵敗之謝安在東山人曰安石不起當如蒼生何至此果能慰蒼生也治城在建康右軍義之也士贊曰易曰地險山川丘陵也高標高枝也梧桐

識嘉樹蕙草留芳根白鷺映春洲青龍見朝暾地古雲

物在臺傾禾黍繁我來酌清波於此樹名園功成拂衣

去歸入

一作長嘯

武陵源

齊賢曰白鷺洲在金陵城下秦淮之外青龍蒼龍之宿角亢氐房心

尾箕也秦離詩周大夫行役過故宗廟

宮室盡為木秦武陵源在今常德府

登瓦官閣

晨登瓦官閣極眺金陵城鍾山對北戶淮水入南榮漫  
漫雨花落嘈嘈天樂鳴兩廊振法鼓四角吟一作吹風箏

杳出霄漢上仰攀日月行山空霸氣滅地古寒陰生寥  
廓雲海晚蒼茫宮觀平門餘間闔宇樓識鳳凰名雷作  
百山動神扶萬栱傾靈光何足貴長此鎮吳京

齊賢曰  
瓦官閣

事見前卷雨花臺在長干梁武時有僧講經於此天雨  
寶花霸氣六朝也吳有閻闔門宋元嘉有異鳥來集于

此因建鳳凰樓

登梅岡望金陵贈族姪高座寺僧

鍾山抱金陵霸氣昔騰發天開帝王居海色照宮闕羣  
峯如逐鹿奔走相馳突江水九道來雲端遙明沒時遷

大運去龍虎勢休歇

齊賢曰崩通曰秦失其鹿天下共逐此借以喻山之形也孔安國曰

江於此州界分為九道我來屬天清登覽窮楚越吾宗挺禪伯特

秀鷺鳳骨

一作吾宗道門秀特異鷺鳳骨

衆星羅青天明者獨有月冥

居順生理草木不翦伐煙窓引薔薇石壁老野蕨吳風

謝安屐白足傲履襪

齊賢曰傳曰明星之多不如一月之光晉書謝玄等既破苻堅驛書

至安喜還內過戶閨不覺屐齒之折釋曇足

白於面跣涉泥水未嘗汙時稱白足和尚

幾宿一下

山

一作下  
山來

蕭然忘干謁談經演金偈降鶴舞海雪時間

天香來了與世事絕佳遊不可得春風惜遠別賦詩留

巖屏千載庶不滅

登金陵鳳凰臺

鳳凰臺上鳳凰遊鳳去臺空江自流吳宮花草埋幽徑  
晉代衣冠成古丘三山半落青天外二水中分白鷺洲  
總為浮雲能蔽日長安不見使人愁

齊賢曰宋元嘉中王觀見異鳥集于

山時謂鳳凰遂起臺於山孫權始都建鄴元帝南渡號為東晉三山及白鷺洲事見前士贊曰此詩因懷古而不動懷君之思乎抑亦自傷謾廢望帝鄉而不見乃觸境而生愁乎太白之志亦可哀也

望廬山瀑布水二首

尋陽

西登香爐峯南見瀑布水挂流三百丈噴壑數十里歛如飛電來隱若白虹起初驚河漢一作銀河落半灑雲天裏一作裏金潭裏仰觀勢轉雄壯哉造化功海風吹不斷江作山月照還空空中亂濺射左右洗青壁飛珠散輕霞流沫沸穹石而我樂名山對之心益閒無論漱瓊液還得

洗塵顏且諧宿所好永願辭人間

齊賢曰遠法師廬山記云山東南有香爐

山孤峯秀起游氣籠其上若煙梁昭明太子之居棲隱也唐玄宗始號開先山南山北有瀑布無慮十餘處香爐峯與雙劍峯在瀑布之傍水源在山頂人未有窮者或曰西入康王谷為水簾東為開先之瀑布潔水會也

其二

日照香爐生紫煙遙看瀑布挂前川飛流直下三千尺

疑是銀河落半天

一本題云望廬山香爐峯瀑布曰廬山

上舉星斗連日照香爐生紫煙下

兩句同齊賢曰蘇東坡志林僕初入廬山有以陳令舉廬山記見寄者且行且讀見其中有徐凝和李白詩不覺失笑問先寺主求詩為作一絕云帝遣銀河一派垂古來惟有謫仙詞飛流濺沫知多少不與徐凝洗惡詩

# 登廬山五老峯

廬山東南五老峯青天削出金芙蓉九江秀色可攬結

吾將此地巢雲松

齊賢曰潯陽記山北有五峯於廬山最為峻極其形如河中虞卿縣前五

老之形故名

# 江上望皖公山

宿松

奇峯出奇雲秀木含秀氣清宴皖公山嶺絕稱人意獨遊滄江上終日淡無味但愛茲嶺高何由討靈異默默遙相許欲往心莫遂待吾還丹成投跡歸此地

齊賢曰唐舒州

同安郡治懷寧縣武德五年析置皖陽有皖山宿松縣  
武德四年為嚴州八年廢九域志宿松在舒州西南百  
四十里僧藥大師以白衣謁二祖既得法隱于皖公山今墓在山谷寺後

### 望黃鶴樓

江夏岳陽

東望黃鶴山雄雄半空出四面生白雲中峯倚紅日巖  
巒行穹跨峯嶂亦冥密頗聞列仙人於此學飛術一朝  
向蓬海千載空石室金竈生煙埃玉潭祕清謐地古遺  
草木庭寒老芝朮塞予羨攀躋因欲保閒逸觀奇徧諸  
嶽茲嶺不可匹結心寄青松永悟客情畢

士贊曰相如傳洞仙之儒

居山澤間形容甚曜列仙傳赤松子常止西王母石室中青松喻真性也

鸚鵡洲

鸚鵡來過吳江水江上洲傳鸚鵡名鸚鵡西飛龍山去芳洲之樹何青青煙開蘭葉香風暖岸夾桃花錦浪生遷客此時徒極目長洲孤月向誰明齊賢曰  
在郢州江中

九日登巴陵置酒望洞庭水軍

九月天氣清登高無秋雲造化闢川嶽了然楚漢分長風鼓橫波合沓戲龍文憶昔傳遊豫樓船壯橫汾今茲

討鯨鯢旌旆何繽紛白羽落酒樽洞庭羅三軍黃花不

掇手戰鼓遙相聞劒舞轉頽陽當時日停曛酣歌激壯

士可以摧妖氛握齧

初角切

東籬下淵明不足羣

濟賢曰時賊逼

華容縣故軍于洞庭以為長沙鄂岳之蔽士贊曰淮南子虞公與夏戰日欲落公以劒指日日還不落應劭曰

握齧急促之貌此言淵明不足羣者蓋用武之時儒士必為所輕太白其以淵明自况乎

### 秋登巴陵望洞庭

清晨登巴陵周覽無不極明湖映天光徹底見秋色秋  
色何蒼然際海俱澄鮮山青滅遠樹水綠無寒煙來帆

出江中去鳥向日邊風清長沙浦山空雲夢田瞻光惜

頽髮閱水悲徂年北渚既蕩漾東流自潺湲郢人唱白

雪越女歌採蓮聽此更腸斷憑厓淚如泉

齊賢曰寰宇記昇屠巴蛇

於洞庭其骨若陵故曰巴陵長沙雲夢郢人白雪越女採蓮事見前

與夏十二登岳陽樓

樓觀岳陽盡川迥洞庭開鴈引愁心去

一作鴈別秋江去

山銜

好月來雲間連下榻天上接行杯醉後涼風起吹入舞

袖迴

登巴陵開元寺西閣贈衡岳僧方外

衡嶽有闡士五峯秀真骨見君萬里心海水照秋月大

臣南溟去問道皆請謁酒以甘露言清涼潤肌髮明朝

落天鏡香閣凌銀闕登眺冷食惠風新花期啓發

齊賢曰  
寶精經

云有風輪名清涼能使一雲普覆三千大千世界士贊曰真骨事見前卷

與賈至舍人於龍興寺翦落梧桐枝望澆湖

翦落青梧枝澆湖坐可窺雨洗秋山淨林光澹碧滋水

閒明鏡轉雲繞畫屏移千古風流事名賢共此時

齊賢曰郡

國志夏潦奔注則溢為此湖冬則涸為平野

### 挂席江上待月有懷

待月月未出望江江自流倏忽城西郭青天懸玉鉤素  
華雖可攬清景不同遊耿耿金波裏空瞻鳩鵠樓齊賢  
書注鳩鵠觀在雲陽甘泉宮士贊曰按此詩亦身在江  
海心存魏闕之意乎讀者忽之使白心不白於後世惜哉

### 金陵望漢江

漢江迴萬里派作九龍盤橫潰豁中國崔嵬飛迅湍六

帝淪亡後三吳不足觀我君混區宇垂拱衆流安今日

任公子滄浪罷釣竿

齊賢曰江南六帝吳晉宋齊梁陳通典吳郡吳興丹陽為三吳任公

子為大釣釣

魚事見前

秋登宣城謝朓北樓

宣城

江城如畫裏山晚望晴空兩水夾明鏡雙橋落彩虹人  
煙寒橘柚秋色老梧桐誰念北樓上臨風懷謝公

齊賢曰謝朓

公謝也

望天門山

當塗

天門中斷楚江開碧水東流至北迴兩岸青山相對出

孤帆一片日邊來

齊賢曰輿地志博望梁山東西隔江相對如門相去數里謂之天門

望木瓜山

早起見日出暮見棲鳥還客心自酸楚况對木瓜山

齊賢

曰木瓜河起六  
合縣通天長縣

登敬亭北二小山余時客逢崔侍御並登此地

送客謝亭北逢君縱酒還屈盤戲白馬大笑上青山迴

鞭指長安西日落秦關帝鄉三千里杳在碧雲間

齊賢曰謝

亭謝眺亭也秦闕謂函谷壠城二闕也士贊曰帝鄉指京師也按白此詩其亦身在江海心在魏闕之意乎食息不忘君豈特杜甫為然迄今數百載未有發明之者惜哉

今

### 過崔八丈水亭

高閣橫秀氣清幽併在君簷飛宛溪水窻落敬亭雲猿  
嘯風中斷漁歌月裏聞閒隨白鷗去沙上自為羣齊賢曰完

溪敬亭山皆隸宣城

### 登廣武古戰場懷古

秦鹿奔野草逐之若飛蓬項王氣蓋世紫電明雙瞳呼

吸八千人橫行起江東赤精斬白帝叱咤入關中兩龍  
不並躍五緯與天同楚滅無英圖漢興有成功按効清  
八極歸酣歌大風

齊賢曰史記蒯通對高帝曰秦失其  
鹿天下共逐高材疾走者先得焉張  
晏曰以鹿喻帝位也史記項羽重瞳子漢書項梁為會  
稽守籍為裨將廣陵人召平為陳王徇廣陵未下聞陳  
敗乃渡江矯陳王命拜梁楚王上柱國曰江東已定急  
引兵西擊秦梁乃以八千人渡江而西高祖被酒夜徑  
澤中行前者還報有大蛇當徑高祖乃拔効斬蛇行數  
里醉因卧後人來至蛇所有一老嫗夜哭人問何哭曰  
吾子白帝子化為蛇當道今為赤帝子斬之故哭忽不  
見關中言東自函谷西至壠坻兩關相去千里皆秦地  
故曰關中兩龍羽與高祖也漢志元年十月五星聚于  
東井以厯推之從歲星也孟康曰歲星先至為主故客

謂張耳曰東井秦地漢王入秦五星從歲星聚當以義  
取天下高祖擊布還過沛置酒沛宮酒酣自擊筑歌曰  
大風起兮雲飛揚威加海內兮歸故鄉伊昔臨廣武連兵決雌雄分我一

杯羹太皇乃汝翁戰爭有古跡壁壘頽層穹猛虎吟洞

壑飢鷹鳴秋空翔雲列曉陣殺氣赫長虹撥亂屬豪聖  
俗儒安可通沈湎呼豎子狂言非至公撫掌黃河曲蚩

蚩阮嗣宗

齊賢曰漢四年破楚大司馬咎於成臯記上羽乃引兵還相與臨廣武之間漢軍廣武

就廩倉食羽亦軍廣武相守為高祖置太公其上曰今  
不急下吾烹太公漢王曰吾與若俱北面受懷王約為  
兄弟吾翁即若翁必欲烹而翁幸分我一杯羹相持未  
決羽曰天下匈匈數歲者徒以吾兩人耳願與漢王挑

戰決雌雄漢王笑謝曰吾寧鬪智不鬪力晉阮嗣宗嘗登廣武見楚漢戰處嘆曰時無英雄使豎子成名太白謂籍沈湎于酒狂言妄呼如蚩蚩之氓不足據也

李太白集分類補註卷二十一

欽定四庫全書  
李太白集分類補註卷二十二

集部

宋楊齊賢集註

元蕭士贊補註

行役

安州應城玉女湯作

安州荆楚記云有玉女乘車投此泉

神女歿幽境湯池流大川陰陽結炎炭造化開靈泉地  
底爍朱火沙傍欹氣盛貌素煙沸珠躍明月皎鏡涵空天

氣浮蘭芳滿色漲桃花然精覽萬殊入潛行七澤連齊

賢

曰唐安州應城縣西南八十里有玉女池子虛賦楚有七澤

愈疾功莫尚變盈道乃

全濯濯氣清泚晞髮弄潺湲散下楚王國分澆宋玉田

可以奉巡幸奈何隔窮偏獨隨朝宗水赴水輸微涓

賢

曰楚都郢今江陵府驪山有溫泉明皇幸焉則玉女湯亦可奉巡幸也惜乎出於窮僻之地徒與江漢朝宗于

海耳士贊曰此雖紀詠詩然寄興則謂士不幸居僻遠之鄉雖抱王佐之才而無由自進身在江海心存魏闕

而已悲夫

之廣陵宿常二南郭幽居

淮南

綠水接柴門有如桃花源忘憂或假草滿院羅裳宣暝色湖上來微雨飛南軒故人宿茅宇夕鳥棲楊園還惜詩酒別深為江海言明朝廣陵道獨憶此傾樽齊賢曰  
萱草忘憂

綠水桃花  
卷二  
見二

### 夜下征虜亭

船下廣陵去月明征虜亭山花如綉頰江火似流螢

齊賢曰

丹陽記曰太安中征虜將軍謝安立此亭因以為名

### 下逢歸石門舊居

吳中

吳山高越水清握手無言傷別情將欲辭君挂帆去離

魂不散煙郊樹此心鬱悵誰能論有愧叨承國士恩雲

物共傾三月酒歲時同餞五侯門

齊賢曰吳王夫差都  
姑蘇越王句踐都會

稽五侯漢時王譚  
商音根逢時也

羨君素書常滿案含丹照白霞色爛

余嘗學道窮冥筌夢中往往遊仙山何當脫屣謝時去

壺中別有日月天倪仰人間易彫朽鐘峯五雲在軒牖

惜別愁窺玉女窓歸來笑把洪崖手

齊賢曰壺中日月  
事見前卷鐘峯鍾

也山隱居寺隱居山陶公鍊液棲其間靈神閑氣昔登攀

恬然但覺心緒閒數人不知幾甲子昨夜猶帶冰霜顏

我離雖則歲物改如今了然識所在別君莫道不盡歡

懸知樂客遙相待

齊賢曰南史陶弘景字通明丹陽秣陵人十歲得葛洪神仙傳晝夜研尋

便有養生之志齊高帝作相引為諸王侍讀上表辭祿止于茅山中立館自號華陽隱居梁武帝早與遊即位後書問不絕後合飛丹色如霜雪服之體輕及帝服飛丹有驗益重之人謂為山中宰相卒年八十五顏色不變屈伸如常香氣累日氤氳滿山詔謚貞白先生

石門流水偏桃花我亦曾到  
秦人家不知何處得雞豕就中仍見繁桑麻翛然遠與  
世事間裝鸞駕鶴又復遠何必長從七貴遊勞生徒聚

萬金產挹君去長相思雲遊雨散從此辭欲知悵別心

易苦向暮春風楊柳絲

齊賢曰石門及桃源事見前七  
貴謂呂霍上官趙丁傅王也士

贊曰史陶朱公治產致千金子  
孫修其業而息之遂至巨萬

### 客中行

蘭陵美酒鬱金香玉碗盛來琥珀光但使主人能醉客

不知何處是他鄉

齊賢曰唐沂州承縣本蘭陵武德四年以縣置鄆州更名承別置蘭陵鄆

城二縣貞觀元年州廢省蘭陵鄆城以承屬沂州本草  
鬱金苗似姜黃花白實紅未秋出莖心無實根黃赤嶺

南亦有實似小荳蔻後漢哀牢國出琥珀注  
云松脂入地千年為茯苓茯苓千年為琥珀

太原早秋

并州

歲落衆芳歇時當大火流霜威出塞早雲色渡河秋夢  
繞邊城月心飛故國樓思歸若汾水無日不悠悠

齊賢說

文 鶲 鶲 關 西 曰 巧 婦 關 東 曰 鶲 鶲 春 分 鳴 則 衆 芳 生 秋  
分 鳴 則 衆 芳 歇 毛 詩 云 七 月 流 火 唐 晉 州 有 臨 汾 汾 西  
二 縣 太 原 府 治 晉 陽 士 賛 曰 後 漢 律 歷  
志 自 亢 八 度 至 尾 九 度 曰 大 火 之 次

奔亡道中五首

江東

蘇武天山上田橫海島邊萬重關塞斷何日是歸年

齊賢

曰 蘇武使匈奴不降匈奴徙武北海上無人處唐西州  
交河郡天山縣有天山漢書田橫與其徒五百人入海

居島中

其二

亭伯去安在李陵降未歸愁容變海色短服改胡衣

齊賢

曰後漢書崔駰字亭伯為竇憲主簿前後奏記數十指  
切長短憲不能容出為樂浪郡長岑長駰以遠去不之  
官而歸前漢書天漢二年貳師將軍李廣利將三萬騎  
擊匈奴於天山使李陵將其射士步兵五千出居延北  
欲以分匈奴兵毋令專走貳師陵既至而單于以兵八  
萬圍擊陵軍陵且引且戰八日未到居延百餘里匈奴  
遮狹絕道陵食乏而  
救兵不到遂降匈奴

其三

談笑三軍却交游七貴踈仍留一隻箭未射魯仲連書

士贊

曰談笑却秦軍及魯仲連為書  
射聊城中遺燕將事並見前

其四

函谷如玉闕幾時可生還洛陽為易水嵩嶽是燕山俗  
變羌胡語人多沙塞顏申包惟慟哭七日鬢毛斑

士贊曰班

超願生入玉門關易水燕山及申包胥走  
秦庭晝夜哭七日七夜求兵救楚事見前

其五

森森望湖水青青蘆葉齊歸心落何處日沒大江西歌

馬傍春草欲行遠道迷誰忍子規鳥連聲向我啼

齊賢曰子

規見前

郢門秋懷

荊州江夏岳陽

郢門一為客巴月三成弦朔風正搖落行子愁歸旋杳  
杳山外日茫茫江上天人迷洞庭水鴈度瀟湘煙清曠  
諳宿好緇磷及此年百齡何蕩漾萬化相推遷空謁蒼  
梧帝徒尋溟海仙已聞蓬海淺豈見三桃圓倚劖增浩  
歎捫襟還自憐終當遊五湖濯足滄浪泉

齊賢曰前漢南郡江陵縣

故楚郢都楚文王自丹陽徙北後九世平王城之後十  
世秦拔楚郢徙東郢月至八日上弦至二十三日下弦  
神仙傳麻姑謂王遠曰向到蓬萊水又淺於往日漢武  
內傳王母降漢宮侍女以玉盤盛仙桃七顆大如鴨卵  
形圓青色王母以四顆與帝三顆自食帝  
將其核欲種之母曰此桃三千年一生實

至鴨欄驛上白馬磯贈裴侍御

側疊萬古石橫為白馬磯亂流若電轉舉棹揚珠輝臨  
驛卷緹幕升堂接綉衣情親不避馬為我解霜威齊賢曰玉

黃色  
篇緹

荆門浮舟望蜀江

春水月峽來浮舟望安極正是桃花流依然錦江色江  
色綠且明茫茫與天平逶迤巴山盡搖曳楚雲行雪照  
聚沙鴈花飛出谷鶯芳洲却已轉碧樹森森迎流日浦  
煙夕揚帆海月生江陵識遙火應到渚宮城

齊賢曰明月峽隸渝

州成都府有錦江織錦濯其中則鮮明唐峽州夷陵縣有巴山通與江陵縣有楚渚宮士贊曰師古曰月令仲春之月始雨水桃始華蓋桃方華時既有雨水洲谷冰泮衆流猥集波瀾盛長故謂之桃華水而韓詩傳云三

月桃華水

上三峽

巫山來青天巴水流若茲巴水忽可盡青天無到時三

朝上黃牛三暮行太遲三朝又三暮不覺鬢成絲

齊賢曰巫

山縣圖經巫山綿亘七百里非午夜不見日月江行彷彿九峯三峯在後不見巴江黃牛峽在峽州高崖間有

石如牽牛人黑牛黃

自巴東舟行經瞿塘峽登巫山最高峯晚還題壁

江行幾千里海月十五圓始經瞿塘峽遂步巫山巔巫山高不窮巴國盡所歷日邊攀垂蘿霞外倚穹石飛步

凌絕頂極目無纖煙却顧失丹壑仰觀臨青天

齊賢曰自渝州

明月峽至夔州西陵峽四千里鬼門關隔山即瞿塘峽上有瞿塘闕下瞰灔澦澗堆其東小路數百步絕處即白帝祠旁有三峽堂臨瞿塘峽口自此半日到夔州士贊曰張揖曰穹石大石也青天若可捫銀

漢去安在望雲知蒼梧記水辨瀛海周遊孤光晚歷覽  
幽意多積雪照空谷悲風鳴森柯歸途行欲曛佳趣尚  
未歇江寒早啼猿松暝已吐月月色何悠悠清猿響啾

啾辭山不忍聽揮策還孤舟

齊賢曰歸藏啓筮有白雲出自蒼梧

早發白帝城

一作白帝下江陵

朝辭白帝彩雲間千里江陵一日還兩岸猿聲啼不盡

輕舟已過萬重山

一作須臾過却萬重山齊賢曰白帝城公孫述所築後為先主屯戍之地

改名永安夔州陸路至江陵府九百四十五里

秋下荆門

霜落荆門江樹空布帆無恙挂秋風此行不為鱸魚膾

自愛名山入荆中

齊賢曰唐荆門縣隸江陵府荊州記郡西沂江六十里南岸有山名荆門

北岸有山名虎牙二山相對楚之西塞顧愷之為殷仲堪參軍在荆門因假還仲堪特以布帆借之至破家遭

風大敗與仲堪箋曰地名破家真破家而出行人安穩布帆無恙晉張翰思鱸魚事見前荆縣隸會稽多名山

江行寄遠

剗木出吳楚危槎百餘尺疾風吹片帆日暮千里隔別

時酒猶在已為異鄉客思君不可得愁見江水碧

齊賢曰易

繫辭剗木為舟說文槎邪斫木士贇曰史記張騫乘槎乃剗全木為之至今沅湘中有此名為艸船

宿五松山下荀媼家

宣州

我宿五松下寂寥無所歡田家秋作苦鄰女夜春寒跪進彌胡飯月光明素盤令人慙漂母三謝不能餐

齊賢曰楊

惲書曰田家作告子  
虛賦注彫胡菰菜也

下涇縣陵陽溪至澁灘

澁灘鳴嘈嘈兩山足猿猱白波若卷雪側足不容舠漁  
子與舟人撐折萬張篙

齊賢曰  
船曰舠

下陵陽沿高溪三門六刺灘

三門橫峻灘六刺走波瀾石驚虎伏起水狀龍縈盤何  
慙七里瀨使我欲垂竿

齊賢曰甘州記桐廬有七  
里瀨瀨下數里至嚴陵瀨

夜泊黃山聞殷十四吳吟

昨夜誰為吳會吟風生萬壑振空林龍驚不敢水中卧猿嘯時聞巖下音我宿黃山碧溪月聽之却罷松間琴朝來果是滄洲逸酤酒醍盤飯霜栗半酣更發江海聲客愁頓向杯中失

宿鰣湖

雞鳴發黃山暝投鰣湖宿白雨映寒山森森似銀竹提攜採鉛客結荷水邊沐半夜四天開星河爛人目明晨大樓去岡隴多屈伏當與持斧翁前溪伐雲木齊賢曰說文鉉

黑錫大樓  
隸宣城

懷古

西施

吳越

西施越溪女出自苧羅山秀色掩今古荷花羞玉顏浣紗弄碧水自與清波閒皓齒信難開沈吟碧雲間句踐徵絕豔揚蛾入吳闕提攜館娃宮杳眇詎可攀一破夫

差國千秋竟不還

齊賢曰句踐以西施獻吳王事見前卷士贊曰苧羅山在諸暨縣南五里

靈巖山在蘇州城西二十里又名硯石山吳王之別苑在焉有館娃宮琴臺響屩廊西施洞山頂之屬

# 王右軍

右軍本清真瀟灑出風塵山陰過羽客愛此好鵝賓掃

素寫道經筆精妙入神書罷籠鵝去何曾別主人

齊賢曰王

義之為右軍將軍會稽長史庾亮臨薨

上疏稱義之清真有鑒裁愛鵝事見前

# 上元夫人

上元誰夫人偏得王母嬌嵯峨三角髻餘髮散垂腰袴

披青毛錦身著赤霜袍手提羸女兒閒與鳳吹簫眉語

兩目笑忽然隨風飄齊賢曰漢武內傳曰上元夫人道君弟子也亦玄古以來得道總統

員籍亞於龜臺金母事已詳見前卷  
女秦穆公女弄玉也喜吹簫作鳳鳴

### 蘇臺覽古

舊苑荒臺楊柳新菱歌清唱不勝春只今唯有西江月

曾照吳王宮裏人

齊賢曰吳王夫差都蘇州有桂苑姑蘇臺春宵宮海靈館館娃閣以宮妓

千人為長夜飲造千石酒鍾作天池池中作青龍舟舟中盛陳妓樂日與西施為水戲

### 越中覽古

越王句踐破吳歸義士還家盡錦衣宮女如花滿春殿  
只今唯有鷓鴣飛

齊賢曰史記越句踐四年伐吳因而留圍之三年吳師敗復棲吳王於姑

蘇山吳王請成句踐欲許之范蠡曰謀之二十二年一  
旦棄之可乎乃鼓進兵吳王遂自殺越王乃葬吳王而  
誅太宰嚭  
鶴鵠見前

### 商山四皓

白髮四老人昂藏南山側偃蹇松雲間冥翳不可識雲  
窓拂青靄石壁橫翠色龍虎方戰爭於焉自休息秦人  
失金鏡漢祖昇紫極陰虹濁太陽前星遂淪匿一行佐  
明聖倏起生羽翼功成身不居舒卷在胷臆宵冥合元  
化茫昧信難測飛聲塞天衢萬古仰遺跡齊賢曰陳留  
志韋便字宣

明囊邑人常居園中世謂之園公與河內軼人角里先生  
綺里季夏黃公為友避秦入商山是為四皓後說高  
祖太子得不易事並見四卷雜書曰秦失金鏡喻明道  
也晉志北極五星在紫宮中北辰最高者又云心三星  
天王正位中星曰明堂天子位為大辰前星為太子後  
星為庶子說文霓屈丸青赤或白色陰氣也郭璞曰雄  
曰虹謂陽盛者雌曰蜺謂

暗微者以喻戚夫人也

### 過四皓墓

我行至商洛幽獨訪神仙園綺復安在雲蘿尚宛然荒  
涼千古跡蕪沒四墳連伊昔鐘金鼎何年閉玉泉隴寒  
惟有月松古漸無煙木魅風號去山精雨嘯旋紫芝高

詠罷青史舊名傳，今日併如此。哀哉信可憐！齊賢曰：唐商州上洛

郡商洛縣四皓事見前說文魅老物精也。

### 峴山懷古

訪古登峴首，憑高眺襄中。  
天清遠峯出，水落寒沙空。  
珠見遊女醉，酒懷山公感。  
歎發秋興長，松鳴夜風。齊賢曰：峴

山在襄陽南十里。鄭交甫弄珠山公簡事見前。

### 蘇武

蘇武在匈奴，十年持漢節。  
白鴈上林飛，空傳一書札。  
牧

羊邊地苦落日歸心絕渴飲月窟冰飢餐天上雪東還

沙塞遠北愴河梁別泣把李陵衣相看泣成血

齊賢曰  
天漢元

年且鞮侯單于立恐漢襲之盡歸漢使路充國等武帝嘉其義乃遣蘇武持節送匈奴使留在漢者因厚賂單于單于使衛律召降武受辭舉劍擬之武不動單于乃幽武大窖中絕不飲食天雨雪武卧齧雪與氈毛并咽之數日不死匈奴以為神乃徙武北海上無人處使牧羝武杖漢節牧羊卧起操持節旄盡落明年李陵降乃使陵至海上說之武曰必欲降武請畢今日之驩効死於前陵曰嗟夫義士陵與衛律之罪上通於天與武決去後昭帝即位數年與匈奴和親求武等謂單于言天子射上林中得鴈足有繫帛書言武等在某澤中單于驚謝有之於是陵置酒賀武曰今足下還歸揚名於匈奴顯於漢室雖古竹帛所載何以過陵起舞歌曰徑

萬里兮度沙漠為君將兮奮匈奴路窮絕兮矢刃摧士  
衆滅兮名已墮老母已死雖欲報恩將安歸單于召會  
武官屬還者九人武留匈奴凡十九歲李陵與蘇子卿  
詩攜手上河梁遊子暮何之江文通詣建平王上書曰  
此少卿所以仰天搥心也

經下邳圯橋懷張子房

淮泗

子房未虎嘯破產不為家滄海得壯士椎秦博浪沙報  
韓雖不成天地皆振動潛匿遊下邳豈曰非智勇我來  
圯橋上懷古欽英風唯見碧流水曾無黃石公嘆息此

人去蕭條徐泗空

齊賢曰張良事見前卷

# 金陵三首

晉家南渡日此地舊

一作即

長安地即帝王宅山為龍虎

盤

一作碧宇樓臺  
滿青山龍虎盤

金陵空壯觀天塹

一作江塞

淨波瀾醉客

回橈去吳歌且自歡

一作誰云行路難

齊賢曰晉元帝南渡即帝位都于建康諸葛亮曰

鐘阜龍盤  
石城虎踞

## 其二

地擁金陵勢城迴江

一作漢

水流當時百萬戶夾道起朱

樓亡國生春草王宮沒古丘空餘後湖月波上對江州

一  
瀛州

其三

六代興亡國三杯為爾歌苑方秦地少一作山似洛陽

多古殿吳花草深宮晉綺羅併隨人事滅東逝與滄波

齊賢曰六代吳  
晉宋齊梁陳也

秋夜板橋浦汎月獨酌懷謝朓

天上何所有迢迢白玉繩斜低建章闕耿耿對金陵漢水舊如練霜江夜清澄長川瀉落月洲渚曉寒凝獨酌

板橋浦古人誰可徵空暉難再得酒酒氣填膺

齊賢曰春秋元

命苞曰玉衡北兩星為玉繩星

過彭蠡湖

尋陽

謝公入彭蠡因此遊松門余方窺石鏡兼得窮江源前  
賞迹可見後來道空存而欲繼風雅豈惟清心魂雲海  
方助興波濤何足論青嶂憶遙月綠蘿鳴愁猿碧水或  
可採金膏祕莫言余將振衣去羽化出囂煩齊賢曰輿  
地志曰自

入湖三百三十里窮於松門東西十里青松偏於兩岸  
石鏡見前繼風雅者繼靈運也士贊曰晉許邁少恬靜

不慕仕進偏遊名山採藥欲斷穀自後莫測所終好道者皆謂之羽化

入彭蠡經松門觀石鏡緬懷謝康樂題詩書遊

覽之志

二篇或同或異故併錄之

謝公之彭蠡因此遊松門余方窺石鏡兼得窮江源欲將繼風雅豈徒清心魂前賞逾所見後來道空存况屬臨汎美而無洲渚喧漾水向東去漳流直南奔空濛三川夕回合千里昏青桂隱遙月綠楓鳴愁猿水碧或可採含精祕莫論吾將學仙去冀與琴高言士贊曰山海經曰荆山漳

水出焉而東南流注于  
江謝眺琴高事見前

廬江主人婦宿松

孔雀東飛何處棲廬江小吏仲卿妻為客裁縫君自見

城烏獨宿夜空啼

齊賢曰虞衡志孔雀生高山喬木之  
上人取其雛育之喜卧沙中以沙自

浴自柏甚適蓋巢於山林下洛海岸雄者尾長數尺生

三年尾始長金碧晃耀時時自奮張其尾圓如錦輪俗

謂之朝無朝時自晨至午皆朝人聚觀之則奮迅不已若矜衡者古有烏夜啼曲士贊曰古樂府有焦仲卿妻詞仲卿為府吏不歸妻之父母逼之改嫁妻守節而死此引以比之也

陪宋中丞武昌夜飲懷古

江夏

清景南樓夜風流在武昌庾公愛秋月乘興坐胡牀龍

笛吟寒水天河落曉霜我心還不淺懷古醉餘觴

懷古一作

留客齊賢曰晉書庾亮鎮武昌諸佐吏殷浩之徒乘秋夜往共登南樓俄而亮至諸人將起避之亮徐曰諸君少住老子於此興復不淺庾據胡牀與浩等談詠竟夕武昌郡治武昌縣縣故東郢也楚子熊渠封中子紅於此乃唐郢州江夏郡之武昌縣而唐郢州乃晉武昌郡之沙羡縣沙羨有夏口對沔口如此則晉武昌自有南樓今鄂州南樓特後來名之耳太白豈未之考耶

望鸚鵡洲懷禰衡

魏帝營八極蟻觀一禰衡黃祖斗筲人殺之受惡名吳

江賦鸚鵡落筆超羣英鏘鏘振金玉句句欲飛鳴鶯鸚

啄孤鳳千春傷我情五嶽起方寸隱然詎可平才高竟

何施寡識冒天刑至今芳洲上蘭蕙不忍生

齊賢曰後漢書禰衡

平原人有才辯而尚氣曹操欲見之不肯往操懷忿欲殺之送劉表表不能容以江夏太守黃祖性急故送衡與之祖長子射為章陵太守大會賓客有獻鸚鵡者射舉卮於衡前曰願先生賦之衡筆不停綴文不加點後黃祖竟殺之斗筲言器小也鷺鵠以喻黃祖孤鳳以喻衡寡識冒天刑太白傷禍衡長傲使氣以喪其身也

## 宿巫山下

巫峽

昨夜巫山下猿聲夢裏長桃花飛綠水三月下瞿塘雨

色風吹去南行拂楚王高丘懷宋玉訪古一霑裳

士贊曰巫

山及宋玉賦高丘神女事見前

### 金陵白楊十字菴

白楊十字菴北夾湖溝道不見吳時人空生唐年草天

地有反覆宮城盡傾倒六帝餘古丘樵蘇泣遺老

齊賢曰六

帝吳晉宋齊梁陳晉灼曰樵取薪蘇取草也

### 謝公亭

蓋謝朓范雲之所遊

謝公離別處風景每生愁客散青天月山空碧水流池

花春映日窓竹夜鳴秋今古一相接長歌懷舊遊

齊賢曰世

說過江諸人每至新亭飲宴周顥中坐而歎曰風景不殊舉目有江河之異皆相視流涕王贊曰列子古猶今

也

### 紀南陵題五松山

聖達有去就潛光愚其德魚與龍同池龍去魚不測當時版築輩豈知傳說情一朝和殷羹光氣為列星伊尹生空桑指庖佐皇極桐宮放太甲攝政無愧色三年帝道明委質終輔翼曠哉至人心萬古可為則時命或大

繆仲尼將

一作其

奈何鸞鳳忽覆巢麒麟不來過龜山蔽

魯國有斧且無柯歸來歸去來

一作歸去

宵濟越洪波

齊賢曰左傳聖達節老子曰盛德容貌若愚傳巖在虞  
號界通道所經有澗水壞道常使胥靡刑人築護此道  
說賢而隱代胥靡築之以供食說命高宗夢得說使百  
工營求諸野得諸傳巖爰立作相莊子傳說之相武丁  
棄東雍騎箕尾而比於列星列子伊尹生空桑注伊尹  
母居伊水上既孕夢神告曰臼水出而東走無顧明日  
視臼水出東走十里顧視其邑盡為水身因化為空桑  
有莘氏女子採桑得嬰兒于空桑中命曰伊尹庖人養  
之長而賢為殷相伊訓成湯既沒伊尹奉嗣王祇見厥  
祖明言烈祖之成德以訓于王王未克變營于桐宮王  
徂桐宮居憂克終允德伊尹以冕服奉嗣王歸于毫詩  
傳云龜山蒙山也柯斧柄士贊曰書注皇太極中也太

甲成湯  
長孫

夜泊牛渚懷古

此地即謝尚聞袁宏詠史處出處已見前

牛渚西江夜青天無片雲登舟望秋月空憶謝將軍余  
亦能高詠斯人不可聞明朝挂帆席一作洞庭去

楓葉落一作

正紛紛

姑熟十詠

姑熟溪

愛此溪水閒乘流興無極漾楫怕鷗驚垂竿待魚食波

翻曉霞影岸疊春山色何處浣紗人紅顏未相識

齊賢曰宣

州當塗縣姑熟溪自蕪湖東流至采石入江

### 丹陽湖

湖與元氣連風波浩難止天外賈客歸雲間片帆起龜

遊蓮葉上鳥宿蘆花裏少女棹歸舟歌聲逐流水

齊賢曰史

龜策傳曰龜千歲乃遊蓮葉之上士贊曰丹陽湖在當塗縣東南七十里春秋元命苞曰水者五行始焉元氣

之津也

### 謝公宅

青山日將暝寂寥謝公宅竹裏無人聲池中虛月白荒

庭衰草偏廢井苔苔積唯有清風間時時起泉石

齊賢曰太

白渡牛渚至姑熟悅青山欲終焉謝公謝朓也

凌歛臺

曠望登古臺臺高極人目疊障列遠空雜花間平陸閒  
雲入窓牖野翠生松竹欲覽碑上文苔侵豈堪讀士贊曰臺

在當塗黃山上宋武帝南遊登此因建離宮焉

桓公井

桓公名已古廢井曾未竭石甃冷蒼苔寒泉湛孤月秋

來桐暫落春至桃還發路遠人罕窺誰能見清潔

士贊曰桓

公井在當塗東五里白紵山上桓溫領妓遊山奏樂好為白紵歌因名焉

慈姥竹

野竹攢石生含煙映江島翠色落波深虛聲帶寒早龍吟曾未聽鳳曲吹應好不學蒲柳凋貞心常自保

士贊曰當

塗縣西北四十五里有慈姥山山上出竹堪為簫管李善文選注慈姥山竹作簫笛有妙聲故歷代常給樂府

鼓吹山  
又呼為

望夫山

願望臨碧空怨情感離別江草不知愁巖花但爭發雲  
山萬重隔音信千里絕春去秋復來相思幾時歇

齊賢曰望

夫化石事見前卷山在當塗縣正對和州郡樓

牛渚磯

絕壁臨巨川連峯勢相向亂石流洑間迴波自成浪但  
驚羣木秀莫測精靈狀更聽猿夜啼憂心醉江上

士贊曰牛

渚山在當塗縣北三十里山下有磯古津渡也

# 靈墟山

丁令辭世人拂衣向仙路伏鍊九丹成方隨五雲去松  
蘿蔽幽洞桃杏深隱處不知曾化鶴遼海歸幾度

士贊曰丁

令鳥事見前靈墟  
山在當塗南十里

# 天門山

迥出江山上雙峯自相對岸映松色寒石分浪花碎參  
差遠天際縹渺晴霞外落日舟去遙回首沈青靄

齊賢曰天

門山見前卷

李太白集分類補註

李太白集分類補註卷二十二

謹案卷二十一第二頁後一行梓慎登大庭氏之庫

以望之刊本脫氏字以字據昭公十八年左傳增

第三頁前八行望之如雉堞然刊本堞訛雖今改

第八頁後七行江月照還空刊本照還訛還照據

全唐詩改

第九頁前七行蘇東坡志林刊本志林訛作詩話又見

其中有徐凝和李白詩刊本凝訛賴據東坡全集改

第九頁前八行不與徐凝洗惡詩刊本與訛為凝

訛擬據東坡全集改

卷二十二第二頁後六行而無由自進刊本進訛幸今改  
第一頁後八行之廣陵宿常二南郭幽居刊本郭  
幽居訛作顧北店據全唐詩及繆曰芑本改

第三頁前四行引為諸王侍讀刊本王訛生又止

於茅山中立館刊本館訛節據南史隱逸傳改

第六頁前二行侍女以玉盤盛仙桃七顆刊本盛

訛乘據漢武內傳改

第九頁後七行半夜四天開刊本天訛邊據全唐

詩改

第十頁後二行瀟洒出風塵刊本出訛在據全唐  
詩改

第十頁後四行清真有鑒裁刊本鑒訛覽裁下行  
之雅二字據晉書王羲之傳改刪

第十頁後八行漢武內傳曰上元夫人云云考漢  
武內傳文與此異應是引他書而傳寫誤者無

可考姑仍之

第十三頁前六行與武決去刊本武訛我據漢書  
改

第十五頁前六行綠蘿鳴愁猿刊本鳴愁訛愁鳴  
據全唐詩及繆曰芑本改

第十六頁前一行謝眺琴高事見前刊本眺訛畊  
今改

第十六頁前六行俗謂之朝無朝時自辰至午皆

朝案此二語不可解必有訛脫檢各書言孔雀俱無此文姑仍之

第十六頁後一行庾公愛秋月刊本庾訛使據全

唐詩改

第十八頁前六行一朝和殷羹刊本羹訛人據文苑英華及全唐詩改

第十八頁後五行白水出而東走無顧刊本白訛

舊據列子注及水經伊水注改

第十八頁後七行王未克變刊本克訛足據商書

改

第十八頁後八行詩傳云龜山蒙山也刊本傳訛

箋據毛詩注疏改



總校官候補中書臣吳紹潔

校對官中書臣王家賓

謄錄監生臣陳炳

欽定四庫全書會要

集部

李太白集分類補註卷二十三

四

詳校官助教臣常循



欽定四庫全書  
薈要卷一萬三千六百六十四

集部

李太白集分類補註卷二十三

宋楊齊賢集註

元蕭士贊補註

閒適

與元丹丘方城寺談玄作

茫茫大夢中惟我獨先覺騰轉風火來假合作容貌滅除昏疑盡領畧入精要澄慮觀此身因得通寂照朗悟



前後際始知金仙妙幸逢禪居人酌玉坐相召彼我俱  
若喪雲山豈殊調清風生虛空明月見談笑怡然青蓮  
宮永願恣遊眺士贊曰莊子曰且有大覺而後知此其大夢也而愚者自以為覺竊竊然知之  
騰轉風火來假合作容貌此言人之初身由地水火風四大假合而成也虛皇四十九章經云子知悲人不能  
悲身地水火風假合四大延土為砦托炬火中而得堅固子身猶砦法猶炬火能捍子身成不壞質維摩詰經云是身無我為如火是身無壽為如風是身無作風力所轉楞嚴經佛問圓通文殊師利法王子說偈對佛曰淨極光通達寂照含虛空却來觀世間猶如夢中事又曰爾時世尊問維摩詰汝欲見如來為以何等觀如來乎維摩詰言如自觀身寶相觀佛亦然我觀如來前際不來後際不去今則不住不觀楞嚴經云風性無體若

生虛空汝衣不動何因無佛空性常住風應常生若無  
風時虛空當滅若有生滅不名虛空名為虛空云何風  
出虛空寂然不參流動如來藏中  
性空真風清淨本然周徧法界

### 尋高鳳石門山中元丹丘

楚漢

尋幽無前期乘興不覺遠蒼崖渺難涉白日忽欲晚未  
窮三四山已歷千萬轉寂寂聞猿愁行行見雲收高松  
來好月空谷宜清秋溪深古雪在石斷寒泉流峰巒秀  
中天登眺不可盡丹丘遙相呼顧我忽而哂遂造窮谷  
間始知靜者閒留歡達永夜清曉方言還士贊曰翰曰  
中天言高及

半天

安州般若寺水閣納涼喜遇薛員外乂

安州

翛然金園賞遠近含晴光樓臺成海氣草木皆天香忽

逢青雲士共解丹霞裳水退池上熱風生松下涼吞討

破萬象褰窺臨衆芳而我遺有漏與君用無方心垢都

已滅永言題禪房

齊賢曰晉志海傍蜃氣成樓臺士贊

曰黃庭經

云靈雎

君衣青錦丹裳藏

經起信論問曰諸佛無邊方便能於十方利益衆生何故衆生常不見佛或觀神變或問說法答曰如來實有如是方便但要衆生其心清淨乃為現身如鏡有垢色像不見垢除則現衆生亦爾心未離垢法身不現垢離

現則

魯中都東樓醉起作

魯中

昨日東樓醉

一作城飲

還應一作歸

來倒接羅阿誰扶上馬不省

下樓時

士贊曰接羅見前

對酒醉題屈突明府廳

吳中

陶令八十日長歌歸去來故人建昌宰借問幾時迴風  
落吳江雪紛紛入酒杯山翁今已醉舞袖為君開

齊賢曰陶

潛為彭澤令八十日唐建昌縣隸洪州豫章郡

月下獨酌四首 長安

花間一壺酒獨酌無相親舉杯邀明月對影成三人  
月既不解飲影徒隨我身暫伴月將影行樂須及春我歌  
月徘徊我舞影凌亂醒時同交歡醉後各分散永結無  
情遊相期邈雲漢士贊曰莊子人有畏影而走者走愈疾而影不離身

其二

天若不愛酒酒星不在天地若不愛酒地應無酒泉天  
地既愛酒愛酒不愧天已聞清比聖復道濁如賢賢聖

既已飲何必求神仙三杯通大道一斗合自然但得酒

中趣勿為醒者傳

齊賢曰晉志軒轅右角南五星曰酒星主享宴飲食五星守酒旗天下大

酺有酒肉財物賜漢武太初元年開酒泉郡師古曰城下有金泉泉水如酒魏徐邈醉酒太祖怒鮮于輔曰平

時醉客謂酒清者為聖人濁者為賢人耳

### 其三

三月咸陽城

一作時

千花晝如錦誰能春獨愁對此徑須

飲窮通與脩短造化夙所稟一樽齊死生萬事固難審  
醉後失天地兀然就孤枕不知有吾身此樂最為甚

齊賢

曰唐咸陽郡乃秦之故都

其四

窮愁千萬端  
美酒三百杯  
愁多酒雖少  
酒傾愁不來  
所知酒聖酒  
酣心自開辭粟卧首陽  
屢空飢顏回  
當代不樂飲  
虛名安用哉  
蟹螯即金液  
糟丘是蓬萊  
且須飲

美酒乘月醉高臺

齊賢曰辭粟卧首陽及金液糟丘蓬萊並見前

春歸終南山松龍舊隱

我來南山陽  
事事不異昔  
却尋溪中水  
還望岩下石  
薔

薇緣東窓女蘿遶北壁別來能幾日草木長數尺且復  
命酒樽獨酌陶喜也永夕

冬夜醉宿龍門覺起言志

洛陽

醉來脫寶劍旅憩高堂眼中夜忽驚覺起立明燈前開  
軒聊直望曉雪河冰壯哀哀歌苦寒鬱鬱獨惆悵傳說  
版築臣李斯鷹犬人歛起匡社稷寧復長艱辛而我胡  
為者嘆息龍門下富貴未可期殷憂向誰寫去去淚滿  
襟舉聲梁甫吟青雲當自致何必求知音

齊賢曰傳說  
版築李斯鷹

犬事見前唐河南府河  
南縣有龍門山抵天津

尋山僧不遇作 金陵

石徑入丹壑松門閑青苔閒階有鳥跡禪室無人開窺  
總見白拂挂壁生塵埃使我空歎息欲去仍徘徊香雲  
徧山起花雨從天來已有空樂好況聞青猿哀了然絕

世事此地方悠哉

齊賢曰建康圖經梁武時有僧講經于長干山天雨寶花今有雨花臺

過汪氏別業二首

遊山誰可遊子明與浮丘疊嶺礙河漢連峯橫斗牛汪

生面北阜池館清且幽我來感意氣追魚列珍羞掃石

待歸月開池漲寒流酒酣益爽氣為樂不知秋

齊賢曰  
陵陽賓

子明與淳丘公也士贊曰為樂不知秋者蓋言為樂之極不知老之將至而忘其悲秋之思也

## 其二

疇昔未識君知君好賢才隨山起館宇鑿石營池臺星

一作大火五月中景風從南來數枝石榴發一丈荷花開

恨不當此時相過醉金罍我行植木落月苦清猿哀永夜達五更吳歛送瓊杯酒酣欲起舞四座歌相催日出

遠海明軒車且徘徊更遊龍潭去枕石拂莓苔

齊賢曰堯典日

永星火以正仲夏註曰夏言星火獨指房心宋玉招魂吳歛蔡謳奏大呂士贊曰史律書曰景風居南方景者言陽氣道竟

故曰景風

待酒不至

玉壺繫青絲沽酒來何遲山花向我笑正好銜杯時晚  
酌東臍下流鶯復在茲春風與醉客今日乃相宜

齊賢曰秦

王曰玉壺必求其所以盛酒

獨酌

春草如有意羅生玉堂陰東風吹愁來白髮坐相侵獨

酌勸孤影閒歌面芳林長松爾何知

一作本無情

蕭瑟為誰

吟手舞石上月膝橫花間琴過此一壺外悠悠非我心

一本云春草遍綠野新鶯有佳音落日不盡歡恐為愁所侵獨酌勸孤影閒歌面芳林清風尋空來岩松與共吟手舞石上月膝橫花下琴過此一壺外悠悠非我心齊賢曰漢文翁為蜀守作石室名玉堂

### 友人會宿

滌蕩千古愁留連百壺飲良宵宜清談皓月誰能寢醉來卧空山天地即衾枕

士贊曰此詩太白蓋用劉伶酒德頌幕天席地縱意所如之意

春日獨酌二首

東風扇淑氣水木榮春暉白日照綠草落花散且飛孤  
雲還空山衆鳥各已歸彼物皆有託吾生獨無依對此  
石上月長醉歌芳菲

其二

我有紫霞想緬懷滄洲間思對一壺酒澹然萬事閒橫  
琴倚高松把酒望遠山長空去鳥沒落日孤雲還但恐  
光景晚宿昔成秋顏

金陵江上遇蓬池隱者

時於落星石上以  
紫綺裘換酒為歡

心愛名山遊身隨名山遠羅浮麻姑臺此去或未返遇

君蓬池隱就我石上飯空言不成歡強笑惜日晚綠水

向鴈門黃雲蔽龍山嘆息兩客鳥徘徊吳越間共語一

執手留連夜將久解我紫綺裘且換金陵酒酒來笑復

歌興酣樂事多水影弄月色清光奈愁何明晨掛帆席

離恨滿滄波

齊賢曰羅浮山麻姑壇事見前唐蓬  
山郡治蓬池縣唐代州鴈門縣有關

月夜聽盧子順彈琴

閒坐夜明月幽人彈素琴忽聞悲風調宛若寒松吟白  
雪亂纖手綠水清虛心鍾期久已沒世上無知音

齊賢曰列子伯牙鼓琴鍾子期善聽鍾子期死伯牙擫琴絕絃

終身不更復鼓琴以為無足與鼓琴者白雪曲名

清溪半夜聞笛

秋浦

羌笛梅花引吳溪隴水情

一作清

寒山秋浦月腸斷玉闕

聲

一作情齊賢曰梅花引曲名士贊曰隴水玉闕事見前

日夕山中忽然有懷

廬山

久卧青

一作名

山雲遂為青

一作名

山客山深雲更好賞弄

終日夕月銜樓間峰泉漱階下石素心自此得真趣非

外惜鼴啼桂方秋風滅籟歸寂緬思洪崖術欲往滄海  
隔雲車來何遲撫几空嘆息

齊賢曰鼴鼠如猿肉翼若  
叔卿與數人博其子度曰與  
博者為誰曰是洪崖先生

蝙蝠聲如人號神仙傳衛

### 夏日山中

嬾搖白羽扇裸體青林中脫巾掛石壁露頂洒松風

### 山中與幽人對酌

兩人對酌山花開一杯一杯復一杯我醉欲眠卿且去

明朝有意抱琴來

齊賢曰陶潛飲酒若先醉便語客我醉欲眠卿且去

春日醉起言志

處世若大夢胡為勞其生所以終日醉頹然卧前楹覺  
來盼庭前一鳥花間鳴借問此何時春風語流鶯感之

欲嘆息對酒還自傾浩歌待明月曲盡已忘情

士贊曰太白此

詩擬陶之作也

廬山東林寺夜懷

我尋青蓮宇獨徃謝城闕霜清東林鐘水白虎溪月天

香生虛空天樂鳴不歇宴坐寂不動大千入毫髮湛然

冥真心曠劫斷出沒

齊賢曰青蓮宇梵宮也廬山寺及東林虎溪事見前士贊曰維摩詰

經曰舍利佛言憶念我昔曾於林中宴坐樹下時維摩詰來謂我言唯舍利佛不必是坐為宴坐也夫宴坐者不於三界現身是為宴坐不起滅定而現諸威儀是為宴坐不捨道法而現見事是為宴坐心不在內亦不在外是為宴坐於諸見不動而修行三十七品是為宴坐不斷煩惱而入涅槃是為宴坐楞嚴經云一切衆生從無始來生死相續皆由不知常住真心性淨明體用諸妄想此想不真故有輪轉釋藏經十六祖羅喉羅見僧迦難入定方起尊者曰汝身定耶心定耶曰身心俱定

尊者曰何有出入曰雖有出入不失定相如金在井全

寂體常

尋雍尊師隱居

羣峭碧摩天逍遙不記年撥雲尋古道倚樹聽流泉花

暖青牛卧松高白鶴眠語來江色暮獨自下寒煙

齊賢曰青

牛花葉上青虫也有兩角如蝸牛故云鶴經白鶴  
陽鳥十六年小變六十年大變千六百年形定色白

與史郎中飲聽黃鶴樓上吹笛

江夏

一為遷客去長沙西望長安不見家黃鶴樓中吹玉笛

江城五月落梅花

齊賢曰梅花落笛中曲也

對酒

勸君莫拒杯春風笑人來桃李如舊識傾花向我開流  
鶯啼碧樹明月窺金罍昨日朱顏子今日白髮催  
石虎殿鹿走姑蘇臺自古帝王宅城闕閉黃埃君若不  
飲酒昔人安在哉齊賢曰晉石虎篡位作大武殿於襄  
國昔子胥諫吳王王不用乃曰臣今見麋鹿遊姑  
蘇之臺也

醉題王漢陽廳

我似鷓鴣鳥南遷嬾北飛時尋漢陽令取醉月中歸

齊賢曰異物志鷄鳥其志懷南不

思北徂漢陽縣在大別山之西

嘲王歷陽不肯飲酒

歷陽

地白風色寒雪花大如手笑殺陶淵明不飲杯中酒浪撫一張琴虛栽五株柳空負頭上巾吾於爾何有

士贊曰陶

潛傳語詳見前

獨坐敬亭山

宣城

衆鳥高飛盡孤雲獨去閒相看兩不厭只有敬亭山

齊賢

曰敬亭山

見前註

自遣

對酒不覺暝落花盈我衣醉起步溪月鳥還人亦稀

齊賢

曰  
日入  
暝

訪戴天山道士不遇

犬吠水聲中桃花帶雨濃樹深時見鹿溪午不聞鐘野竹分青靄飛泉挂碧峰無人知所去愁倚兩三松

秋日與張少府楚城韋公藏書高齋作

日下空亭暮城荒古跡餘地形連海盡天影落江虛舊賞人雖隔新知樂未疎彩雲思作賦丹壁間藏書楂擁

隨流葉萍開出水魚夕來秋興滿回首意何如

齊賢曰  
植水中

浮木

### 懷思

秋夜獨坐懷故山

去長安後

小隱慕安石遠遊學屈平天書訪江海雲卧起咸京入侍瑤池宴出陪玉輦行誇胡新賦作諫獵短書成但奉紫霄顧非邀青史名

齊賢曰謝安初盤桓東山屢違朝命及登台輔常有東山之志屈原

名平作遠遊云悲時俗之迫阨兮願輕舉而遠遊咸京咸陽也相如長楊賦諫獵事見前莊周空說

劍墨翟恥論兵拙薄遂疎絕歸閒事耦耕顧無蒼生望

空愛紫芝榮寥落暝霞色微茫舊壑情秋山綠蘿月今

夕為誰明

齊賢曰莊子有說劍篇淮南子曰楚欲攻宋墨子聞而悼之至郢見楚王曰聞王將攻宋

計必得宋而後攻之乎王曰不必得宋曷為攻之墨子曰臣見王必傷義而不得宋王曰公輸天下之巧士作雲梯之械以攻宋曷為弗取墨子曰令公輸設攻臣請守之於是公輸班設攻宋之機墨子設守宋之備九攻而墨子九備之弗能入乃輒不攻宋

感舊

憶崔郎中宗之遊南陽遺吾孔子琴撫之潛然

昔在南陽城唯食獨山蕨憶與崔宗之白水弄素月時  
過菊潭上縱酒無休歇泛此黃金花頽然清歌發一朝

摧玉樹生死殊飄忽留我孔子琴琴存人已歿誰傳廣

陵散但哭邙山骨泉戶何時明長掃狐兔窟

齊賢曰唐鄧州南陽

郡寰宇記金陵溧水縣有獨山在縣東十里不與羣山連白水邑名見前盛弘之荊州記菊水出溧縣芳菊被厓水極甘香嵇康將刑東市顧日影索琴彈之曰昔袁孝尼從吾學廣陵散吾每靳之廣陵散於今絕矣

憶東山二首

不向東山久薈薇幾度花白雲還自散明月落誰家

其二

我今攜謝妓長嘯絕人羣欲報東山客開闊掃白雲

齊賢

曰謝安攜妓東山事見前

望月有懷

清泉映疎松不知幾千古寒月搖清波流光入牕戶對此空長吟思君意何深無因見安道興盡愁人心

齊賢曰晉

書王子猷訪戴安道興盡而返事見前

對酒憶賀監二首

并序

太子賓客賀公於長安紫極宮一見余呼余為謫仙人因解金龜換酒為樂悵然有懷而作是詩

四明有狂客風流賀季真長安一相見呼我謫仙人昔好杯中物翻為松下塵金龜換酒處却憶淚沾巾

齊賢曰賀

知章字季真與陸象先善象先曰季真清談風流吾一日不見鄙吝生矣玄宗時為太子賓客授秘書監晚節

放誕自號

四明狂客

其二

狂客歸四明山陰道士迎敕賜鏡湖水為君臺沼榮人

七餘故宅空有荷花生念此杳如夢淒然傷我情

齊賢曰四

明山見前賀知章天寶初病夢遊帝居數夕寤乃請為道士還鄉里詔許之以宅為千秋觀而居又求周官湖數頃為放生池有詔賜鏡湖剡川一曲既行帝賜詩皇太子百官餞送擢其子僧子為會稽郡司馬賜緋魚使

侍養

### 重憶一首

欲向江東去定將誰舉杯稽山無賀老却棹酒船回

齊賢

曰知章越州人會稽郡人

### 春滯沅湘有懷山中

沅湘春色還風暖煙草綠古之傷心人於此腸斷續予  
非懷沙客但美採菱曲所願歸東山寸心於此足

落日憶山中

雨後煙景綠晴天散餘霞東風隨春歸發我枝上花花  
落時欲暮見此令人嗟願遊名山去學道飛丹砂士贊曰丹

砂見前

憶秋浦桃花舊遊時竄夜郎

桃花春水生白石今出沒搖蕩女蘿枝半挂青天月不

知舊行徑初拳幾枝蕨三載夜郎還於茲鍊金骨

齊賢曰唐

夜郎縣隸秦州桃花水見前

李太白集分類補註卷二十三